


字 131.34
49



字 131.34
8549
143




字

131.34

49





說文解字弟十三

義證弟四十四

曲阜桂馥學

一 地之數也從耦一凡二之屬皆從二

而至切

地之數也者本書白下云二陰數易繫辭天一地二乾坤
 鑿度地數二二者有偶也周禮典瑞兩圭有邸以祀地注
 云兩圭者以象地數二也說苑二三四五之數取之天地
 而制奇偶劉歆曰易繫辭天數五地數五天數一三五七
 九地數二四六八十漢書律歷志地之數始於二終於三
 十石渠禮議偶數起於二終於三十陰數之偶也三禮義
 宗黃琮所以禮地其二尺以法地數唐歷十二議天數始
 於一地數始於二司馬貞曰火是地正亦稱北正者火數
 二二地數地陰主北方故火正亦稱北方王禕洛書辨云
 論其數則一三五七九凡二十五天數也皆白文而為陽
 為奇二四六八十凡三十地數也皆黑文而為陰為偶此
 其陰陽之理奇偶之數生成之位推而驗之於易無不合
 者從耦一者小字本李燾本竝云從耦無一字本書凡
 下云從二二偶也易繫辭陽卦奇陰卦耦注云陽卦二陰

故奇爲之君陰卦二陽故耦爲之主禮
郊特性鼎俎奇而籩豆偶陰陽之義也

靈石楊氏栞

古文

本書貳
從此

𠄎

敏疾也從人從口從又從二二天地也

紀力切又
去吏切

敏疾也者本書極疾也極急也釋詁亟疾也廣雅亟急也
又云敏亟也詩七月亟其乘屋箋云亟急北風既亟且
傳云亟急也隱元年左傳亟請於武公成十六年傳我先
君之亟戰也有故襄二十四年傳公孫之亟也杜注亟急
也定五年傳歸粟于蔡以周亟杜注亟急也宣九年公羊
傳諱亟也何注亟疾也宋策欲霸之亟成高注亟速後漢
書王龔傳帝命亟自實注云亟急也王觀國曰詩靈臺經
始勿亟七月亟其乘屋何人斯爾之亟行隱十一年左傳
乃亟去之昭五年傳肩肩習儀以亟史記秦楚之際月
表未始有受命若斯之亟也如此類亟字其義則皆急也

𠄎

常也從心從舟在二之間上下一心以舟施恆也

胡登

切

常也者詩小明無恆安處箋云恆常也廣雅常山謂之恆
山大戴禮踐阼篇惡有藏之約行之萬世可以爲子孫恆
者乎通鑑外紀作行之恆可以爲子孫常 上下一心以
舟施恆也者小字本李燾本集韻並云上下心無一字本
書初刻亦無後復加之施當爲旋
本書般象舟之旋服所以舟旋

𠄎

古文恆從月詩曰如月之恆

從月者本書誤從夕汗簡引作𠄎屬月部 詩曰如月之
恆者小雅天保文傳云恆弦箋云月上弦而就盛陳啓源
曰古文恆從月則恆字原以月取義上弦
未必非本訓也馥案玉篇作𠄎云月弦也

回

求回也從二從回回古文回象回回形上下所求物

也須緣
切

通作桓易屯卦盤桓利居貞馬融曰旋也漢仲秋下旬碑作
般桓書禹貢西傾因桓是來鄭注桓是隴阪名其道盤桓旋

說文解字義登

卷四十四

二

連筠篔叢書

曲而上故
名曰桓
象回形者韻會引徐鍇本象風回形錯曰回風
回轉所以宣陰陽也馥案尙書大傳八風回回
靈戶楊氏聚



厚也從二竹聲
切冬毒

厚也者釋詁文竺厚聲相近本書管厚也厚當為厚本書
厚山陵之厚也竺從二二地數故為厚魏畧邯鄲淳一名
竺書微子之命曰篤不忘釋文篤本又作
竺論語君子篤於親汗簡古論語篤作竺



最括也從二二耦也從了了古文及
切浮芝

徐鉉云凡本從二從古文及左旁不當引筆下垂 方言枚
凡也 三蒼凡數之總名也 詩常棣凡今之人 周禮宰
夫二日師掌官成以治凡注云治凡若月計也御史掌贊書
凡數注云自公卿以下胥徒凡數及其見在空缺者職金入
其要注云要凡數也庖人凡其炊生蠶蕞之物注云凡計數
之 公羊傳一事而再見者前目而後凡也 漢書會貨志
天下大氏無慮皆鑄金錢又云大氏皆遇告顏注氏讀曰抵
歸也大低猶言大凡也 揚雄傳請略舉凡顏注凡大指也

鹽鐵論公卿總要執凡而已 春秋釋例稱凡
者五十隋書經籍志有春秋五十凡義疏二卷

最括也者徐鍇本作最括而言也馥謂最當作最本書最
積也通作最本書攢最也詩葛覃釋文叢木一本作最公
羊傳會猶最也何休云最聚也漢書刑法志提封萬井臣
瓚案舊說提最凡言大數也申鑒時事篇最凡有二十一
首晉起居注武帝以王恭領詹事恭表曰豈臣最庸所可
叨忝馥案最庸即凡庸或作撮家語始誅篇其居處足以
撮徒成黨注云撮聚淮南主術訓鳴夜撮蚤莊子釋文引
作聚蚤劉向別錄鐸椒作抄撮八卷授虞卿虞卿作抄撮
九卷授荀卿漢書司馬遷傳撮名法之要注云撮總取也
又作最潘岳西征賦最蒞于城隅者百不處一注云最聚
貌 了古文及者
本書及古文作可

文六 重二



汗簡二部互出說文顏氏家訓案彌亘字從二閒舟詩云亘
之秬秠是也今之隸書轉舟為日而何法盛中興書乃以舟
兌文釋字義登 卷四十四 三 連筠蓀叢書

在二闕為舟航字謬也馥案廣韻亘古鄧切通也遍也竟也出方言馥案恆從舟在二之闕此又單作厓所未能詳

遺文一

十一 地之吐生萬物者也二象地之下地之中一物出形


也凡土之屬皆從土

七魯切

廣韻土地地主也釋言土田也子華子陽中之陽者火是也陰中之陰者水是也陽中之陰者木是也陰中之陽者金是也土居二氣之中闕以治四維在陰而陰在陽而陽故物非土不成人非土不生韓詩外傳夫土者掘之得甘泉焉樹之得五穀焉草木植焉鳥獸魚鼈遂焉

地之吐生萬物者也者玉篇類篇引無萬字宋本小字本李燾本並同本書初刻亦無後復加之土吐聲相近釋名土吐也能吐生萬物也白虎通中央者土土主吐含萬物土之為言吐也周禮大司徒辨十有二壤之物注云壤亦土也變言耳以萬物自生焉則言土土猶吐也以人所耕而樹藝焉則言壤壤和緩之貌郊特牲社祭土王肅曰五

行之主能吐生百穀者也御覽引元命苞土之為言吐也言子成父道也吐氣精以輔也陽立於三故成生其立字十加一為土馥疑此文有脫謬鄭注禹貢地當陰陽之中能吐生萬物者曰土聖證論孔龍云能吐生百穀謂之土易坤卦至哉坤元萬物資生離卦百穀草木麗乎土漢書五行志土中央生萬物者也物理論地發氣黃泉周伏迴轉以生萬物二象地之下地之中一物出形也者玉篇引無一字小字本同馥謂當云二象地之下地之上中物出形也中謂直畫



元氣初分輕清陽為天重濁陰為地萬物所陳列也

從土也聲

徒四切

春秋元命苞地者易也書養物懷任交易變化含吐應節故其立字土力於乙者為地注云地土加以力又加乙者言奉太乙也又云地所以右轉者氣濁精少含陰而起遲故轉右迎天佐其道春秋說題辭地之為言施也承天行其義也故其立字土力於一者為地注云力勤也一即天也書品一力增土地卑可審本於緯書也物理論地者底也底之

言著也陰體下著也 博物志地以名山為之輔佐石為之
骨川為之脈草木為其毛土為其肉三尺以上為糞三尺以
下為地重陰之性也 孝經援神契地順受澤謙虛開張注
云開張九竅受流洒潤是其謙虛也 月令章句總邱陵原
隰阪險曰地 廣雅神農度四海內東西九十萬里南北八
十一萬里帝堯所治九州地二千四百三十萬八千二百四
頃其墾者九百一十萬八千二十四頃夏禹所治四海內地
東西二萬八千里南北二萬六千里出水者八千里受水者
八千里 河圖括地象地廣東西二萬八千南北二萬六千
有君長之州州有九阻中土之文德及而不治 孝經援神
契計校九州之別土壤山陵之大川澤所注萊沛所生鳥獸
所聚九百一十萬八千二十四頃墾墾不墾者千五百萬二
頃十

元氣初分輕清陽為天重濁陰為地者纂要凡天地元氣
之所生孫楚石人銘大象無形元氣為母杳兮冥兮陶冶
衆有禮統天地者元氣之所生萬物之所自焉河圖括地
象易有太極是生兩儀兩儀未分其氣混沌清濁既分仰
者為天偃者為地班固典引太極之元兩儀始分烟烟燼
燼有沈而與有浮而清沈浮交錯庶類混成蔡邕注言兩

儀始分之時其氣和同沈而濁者為地浮而清者為天章
懷注後漢書云奧濁也庶類萬物也老子曰有物混成先
天地生易乾鑿度清輕者為天濁沈者為地又云乾坤相
竝俱生天地既分乾升坤降故乾坤定矣易說元氣初分
清輕上為天濁重下為地論衡談天篇說易者曰元氣未
分渾沌為一儒書又言溟滓濛頓氣未分之類也及其分
離清者為天濁者為地廣雅太初氣之始也生於酉仲清
濁未分也太始形之始也生於戌仲清者為精濁者為形
也太素質之始也生於亥仲已有素樸而未散也三氣相
接至於子仲剝判分離輕清者上為天重濁者下為地中
和為萬物淮南天文訓天地未形馮翼洞洞屬屬故
曰大昭道始於虛霸虛霸生宇宙宇宙生氣氣有漢垠清
陽者薄靡而為天重濁者凝滯而為地清妙之合專易重
濁之凝竭難故天先成而地後定三五歷紀清輕者上為
天濁重者下為地冲和氣者為人故天地含精萬物化生
詩推度災上清下濁號曰天地大戴禮少閔篇先清而後
濁者天地也盧辯注云清濁謂陰陽也姚信昕天論地形
立於下天象運乎上顏氏家訓天為積氣地為積塊邱長
春曰輕清者上騰為天重濁者下凝為地萬物有形重濁
皆附於地三光無質輕清悉上於天 萬物所陳別也者
連筠篔叢書

陳當為嗽釋地郊外謂之牧釋文李本牧作田字釋云田
嗽也謂嗽列種穀之處釋名地者底也其體底下載萬物
也六韜天之為天遠矣地之為地久矣萬物在其間各自
利馥謂利當為列郊特牲地載萬物洪範五行傳地者成
萬物者也越語唯地能包萬物以為一其事不失生萬物
容畜禽獸然後受其名而兼其利文子地承天故定寧地
定寧萬物形地廣厚萬物聚定寧無不載廣厚無不容樂
動聲儀下元者地氣也為始萬物生育長養蓋藏之主也

隊 土籀文地從隊

漢書郊祀志周官天墜之祀

從隊者北征賦登鄧隧而遙望兮李善云隧或為墜說文
曰墜古文地字也據此則隊當為隊徐鍇本作從阜土彖
聲據此則彖當為彖

地 地也易之卦也從土從申土位在申

苦昆切

地也者易坤卦應地無疆王注地也者形之名也坤也者
用地者也說卦坤也者地也萬物皆致養焉故致役乎坤

乾鑿度坤者地之道也晉語坤土也漢書杜鄴傳坤以法
地為土為母洪邁曰歸藏以純坤為首坤為地萬物莫不
歸而藏於中故名為歸藏 易之卦也者物理論地者其
卦曰坤 土位在申者易坤卦西南得朋王注西南致養
之地與坤同道者也易乾鑿度陰始於巳形
於未據正立位故坤位在西南陰之正也

垓 兼垓八極地也國語曰天子居九垓之田從土亥聲

古哀切

兼垓八極地也者垓當為垓本書垓兼垓也垓垓聲相近
淮南本經訓紀綱八極經緯六合馥案釋地以四方為四
極加以四隅故稱八極 國語曰天子居九垓之田者彼
作垓鄭語故王者居九垓之田韋注九垓九州之極數也
楚語天子之田九垓以會兆民
韋注九垓九州之內有垓數也

壤 四方土可居也從土奧聲

於六切

四方土可居也者李善注西都賦引作四方之土可定居
者也徐鍇本作四方上下可居者廣韻壤四壤四方土通

言一餘生事言 卷四十四 六 靈石楊氏棗
作隩書禹貢四隩既宅傳云四方之宅已可
居又通作奧漢書地理志引書四奧既宅

古文隩

玉篇隩坻古
文本書關坻字

堦 堦夷在冀州陽谷立春日日值之而出從土禺聲尙

書曰宅堦夷 曠俱切

堦夷在冀州陽谷者史記禹本紀堦夷既略列子亦作堦
夷胡渭曰說文場山在遼西一曰堦鏤場谷也既在遼西
則冀域而非青域不可以當禹貢之堦夷馥案後漢書以
堦夷爲遼東樂浪三韓之地陽谷豸下作陽谷 立春日
日值之而出者廣韻堦夷日所出處 尙書曰宅堦夷者
堦典文彼作堦傳云東表之地稱堦夷馥案本書不侷尙
書疑後人
引書加之

堦 朝歌南七十里地周書武王與紂戰于埗野從土母

聲 莫六切

廣韻埗野殷近郊地名說文作埗 詩大明箋引書牧野釋
文作埗馥案埗牧聲相近本書母牧也又案周書酒誥明大
命于妹邦馬注妹邦即牧養之地周禮載師以牧田任
遠郊之地釋地邑外謂之郊郊外謂之牧牧外謂之野

朝歌南七十里地者書釋文引云地名在朝歌南七十里
書牧誓王朝至于商郊牧野正義皇甫謐云在朝歌南七
十里不知出何書也書序武王與受戰于牧野鄭注牧野
紂南郊地名史記殷本紀周武王於是遂率諸侯伐紂紂
亦發兵距之牧野集解牧野紂南郊地名也魯世家伐紂
至牧野正義衛州即牧野之地東北去朝歌七十三里括
地志紂都朝歌故城在衛州東北七十三里今衛州城即
殷牧野之地周武王伐紂築也水經注清水云自朝歌以
南南暨清水土地平衍據皋澤悉埗野矣郡國志曰朝
歌縣南有埗野竹書紀年曰周武王率西夷諸侯伐殷敗
之于埗野詩所謂埗野洋洋檀車煌煌者也元和志衛縣
朝歌故城在縣西二十一里殷之故都也九域志汲城本
牧野之地漢爲縣通典衛州汲縣牧野之地禮記大傳牧
之野武王之大事也既事而退柴於上帝祈於社奠於牧
兌文解字義登 卷四十四 七 連筠籀叢書

室注云牧室牧野之室也馥案詩大明正義云牧禮記作
毋今作牧者後人改之周書武王與紂戰于姆野者牧
誓武王伐紂至于牧野玉篇引作
姆野大傳武王與紂戰于姆之野

坂

坂也從土皮聲

滂禾切

阪也者徐鍇本作陂也鍇曰謂陂陀也

坪

地平也從土從平平亦聲

皮命切

地平也者廣雅坪平也趙宦光曰蜀峨山有雷洞坪

均

平徧也從土從勻亦聲

居勻切

平徧也者急就篇遠取財物主平均字林均均田也易說
卦坤為均正義云以其地道平均也豐卦雖旬无咎王注
旬均也馥案本書旬徧也詩節南山秉國之均傳云均平
周禮大司徒以土均之法均齊天下之政又均人掌均地
政均地守均地職均人民牛馬車輦之力政注云均猶平
也夏小正正月農率均田均田者始除田也言農夫急除

田也月令均琴瑟管簫正義均平其聲蔡氏章句乃修蠶
稅以桑為均以桑為平者用桑多則蠶多少則蠶少也年
無尊卑老壯各以用桑為平論語不患貧而患不均穆天
子傳萬民平均大荒北經禹鯀是始布土均定九州韓詩
外傳君人者以禮分施均徧而不偏漢書律歷志衡平也
所以任權而均物百官表大司農屬官有均輸平準令丞
鹽鐵論平準則民不失職均輸則民齊勞逸故平準均輸
所以平萬物而便百姓唐六典市令以之價均平市宋郭
諮攝肥鄉令以千步方田法四出量括遂得其數收逋賦
八十萬通典方田即均田也歸藏易昔女媧筮張雲幕枚
占之曰吉平均土地和合四國書禹貢沿于江海沿馬本
作均云均平蜀志王平字子均通作鈞詩行葦四鍤既鈞
傳云得平均也成六年左傳善鈞從眾杜云鈞
等也襄二十六年傳多鼓鈞聲杜云鈞同其聲

壤

柔土也從土襄聲

如兩切

東方朔曰汧隴以東商洛以西厥壤肥饒史記五帝本紀
老人擊壤而歌於路山海經鮌竊帝之息壤以堙洪水馥
案史記秦本紀甘茂曰息壤在彼
柳宗元有永州龍興寺息壤記

柔土也者一切經音義八無塊曰壤玉篇地之緩肥曰壤
 釋名壤讓也肥濡意也急就篇屏廁清溷糞土壤顏注柔
 土曰壤書禹貢厥土惟白壤馬注壤天性和美也又咸則
 三壤傳云無塊曰壤漢書地理志厥土惟白壤顏注柔土
 曰壤詩信南山昫昫原隰傳云昫昫墾辟貌正義墾辟貌
 者謂墾耕其地辟除草萊以成柔田也周禮大司徒辨十
 二壤之物而知其種以教稼穡樹藝注云壤亦土也變言
 百以萬物自生焉則言土土猶吐也以人所耕而樹藝焉
 則言壤壤和緩之兒後漢書公孫述傳土壤膏腴注云無
 塊曰壤九章算術穿地四為壤五為堅注云壤謂息土堅
 謂築土張華曰凡土三尺
 己上為壤三尺己下為土

培

堅不可拔也從土高聲

苦角切

徐鍇韻譜作墻
 集韻亦引作墻

堅不可拔也者通作確易乾卦確乎其不可拔繫辭夫乾
 確然示人易矣釋文馬韓云剛兒莊子應帝王確乎能其
 事注云堅貌又通作廟後漢書崔
 寔傳言辯而廟注云廟堅正也

塲

曉也從土敷聲

口交切

曉也者淮南地形訓察水陸肥墩高
 下之宜孟子則地有肥曉雨露之養

墟

剛土也從土盧聲

洛乎切

剛土也者類篇引作黑剛土也韻會書釋文引同洪注楚
 詞引亦同楚詞九歎倘佯墟阪王注墟黃黑色土也圖經
 俗謂黑為盧尚書下土墳墟然則墟黑也本書齊謂黑為
 驢夢溪筆談夷人謂黑為盧關中記長安地皆黑壤顏注
 漢地理志墟謂土之剛黑者也釋名土黑曰盧盧然解散
 也四民月令正月地氣上騰上長冒楸陳根可拔急菑強
 土黑墟之田齊民要術引汜勝之書春地氣通可耕堅硬
 強地黑墟土本書墾下云耕以雷浚出下墟土也呂氏春
 秋辨土篇凡耕之道必始於墟為其寡澤而後枯注云墟
 墟墟地也本書堅剛也從取從土廣雅堅土也月令可以
 美土疆注云土疆強藥之地釋文疆其文反正義強是不
 軟藥是墟闕也並謂燥癭侏魂之地也草人職云疆藥用
 黃疆藥強堅者也金履祥云其壤
 者無塊而柔其下者或剛而疏

埴 赤剛土也從土鱗省聲 息營切

赤剛土也者玉篇埴赤堅土也周禮大司徒以土均之灋辨五物九等注云九等駢剛赤緹之屬又草人駢剛用牛杜子春云謂地色赤而土剛強也 鱗省聲者徐錯疑義云案說文埴字注云從土駢省聲而無駢字亦脫誤馥案

木書以關駢字改為解

埴 黏土也從土直聲 常職切

黏土也者范應元注老子引同一切經音義十黏土曰埴釋名土黃細密曰埴埴膩也黏泥如脂之膩也書禹貢厥土赤埴墳傳云土黏曰埴史記夏本紀其土赤埴墳徐廣曰埴黏土也周禮草人埴廬用豕注云埴廬黏疏者考工記搏埴之工二注云埴黏土也老子道經埴埴以為器釋文引杜弼云埴黏土也荀子性惡篇故陶人埴埴而為器注云埴黏土也尉繚子治本篇木器液金器腥聖人飲於土食於土故埴埴以為器天下無費莊子馬蹄篇陶者曰我善治埴圓者中規方者中矩釋文引司馬云埴土可以為陶器六韜圯下漸澤黑土黏埴者車之勞地也

壘 土塊壘壘也從土尪聲讀若逐 一曰壘梁 力竹切

土塊壘壘也者廣韻壘大塊本書飭從壘謂種於土塊中也 讀若逐者徐錯本作讀若速 一曰壘梁者通作陸甘泉賦飛蒙苴而走陸梁五臣云陸梁亂走貌

壘 土也洛陽有大壘里從土軍聲 戶昆切

土也者五音集韻引作撲也 洛陽有大壘里者集韻大壘里名在洛陽呂靜說

撲 塊也從土美聲 匹角切

塊也者吳語王寐疇枕王以撲而去之注云撲塊也淮南人閒訓塘漏若驟穴一撲之所能塞也說林訓土勝水者非以一撲塞江也許注撲塊

撲 撲或從卜

撲 撲也從土一屈象形 苦對切

堞也者一切經音義七引作堅土也三蒼曰土也禮運
蕢桴而土鼓注云蕢讀爲咼聲之誤也咼埴也喪大記寢
苦枕咼後漢書蔡邕傳夫
九河盈溢非一咼所防

塊 咼或從鬼

莊子釋文說文塊俗咼字 一切經音義二十五塊古文咼
同結土也土塊也 釋言塊埴也郭注土塊也晉語野人舉
塊以語之韋注塊璞也 莊子大塊噫氣司馬彪注大塊大
璞之兒 鹽鐵論大塊之閒無美苗 徐整長歷黃帝時雨
不破

埴 咼也從土畠聲 芳逼切

咼也者玉篇埴土塊也釋言塊埴也孫炎
云埴土塊也既夕記塗用塊注云塊埴也

塿 種也 一曰內其中也從土夔聲 子紅切

種也者韻會引徐鍇本作種也或作糞廣韻糞種也與塿
同 一曰內其中也者韻會引徐鍇本一曰內其中一曰

不耕而種集韻不
耕而種謂之塿

塿 稻田畦也從土脍聲 倉陵切

稻田畦也者一切經音義九引同爾雅釋文引作稻田畦
隄埒畔後漢書班固傳注引作田畦也集韻類篇引作稻
中畦也字鑑同韻會引徐鍇本脍稻中畦埒也廣雅脍隄
也蒼頡篇脍畔也汜勝之書始種稻欲濕濕者缺其脍令
水道相直夏至後大熱令水道錯釋邱如
藥者藥邱郭注或云藥者謂稻田脍埒

塿 治也 一曰雷土謂之塿 詩曰武王載塿 一曰塵兒從

土友聲 蒲撥切

治也者疑作塿本書塿下云象塿土爲牆壁 一曰雷土
謂之塿者一切經音義十九引同集韻作塿亦作塿云耕
起土也玉篇塿與塿同一切經音義十九塿又作塿考工
記耜廣五寸二耜爲耦一耦之塿廣一尺深一尺鄭元曰
兩人併發之其隴中曰畎畎上曰塿塿之言發也周語王
耕一塿韋注一塿一耜之塿也王無耦以一耜耕宋庠云

塿與坡同顏氏家訓未嘗目觀起一塿土耘一株苗廣韻
坡一亩土也釋名鋪插地起土也詩曰武王載坡者商
頌長發文彼作旆案周禮大司馬中夏教芟舍鄭注芟讀
若萊沛之沛馥謂坡旆聲相近荀子引詩作發坡發聲亦
相近公孫文子名拔或作發見檀弓注一日塵
兒者廣雅坡塵也博物志吳人謂塵土為坡塊

塿

甸竈窗也從土役省聲

營隻切

甸竈窗也者本書窯燒瓦竈也廣雅窳謂之竈其窳謂之
塿或作塿土喪禮為塿于西牆下注云塿塊竈喪大記甸
人為塿于西牆下注云取西牆土
為塊竈又或作塿玉篇塿陶竈窗

塿

牆始也從土其聲

居之切

牆始也者類篇引作牆也一日始也本也玉篇基始也釋
詁基始也詩南山有臺邦家之基傳云基本也本書阼基
也

垣

牆也從土回聲

兩元切

牆也者本書牆垣蔽也一切經音義九垣謂四周牆也釋
名垣援也人所依阻以為援衛也急就篇泥塗墜墜壁垣
牆書梓材若作室家既勤垣墉釋文引馬云卑曰垣高曰
墉詩板大師維垣傳云垣牆也襄三十一年左傳子產使
盡壞其館之垣而納車馬焉釋文垣牆也吳語君有短垣
而自踰之漢書蕭何傳為家不治垣屋顏注垣牆也漢書
地理志上郡漆垣莽曰漆牆

垣

籀文垣從寧

垣

牆高兒詩曰崇墉圻圻從土气聲

魚迄切

牆高兒者一切經音義十三引作高大兒也廣雅圻圻高
也詩曰崇墉圻圻者大雅皇矣文彼作仡仡釋文仡仡
說文作圻陳啓源曰毛傳以仡仡為高大鄭箋以為將壞
兒案左傳宋子魚言文王伐崇三旬不降後伐之因壘而
降則文王之於崇乃降服之非破滅之也固無事壞
其城矣傳義得之說文云牆高兒引此詩正與傳合

垣

垣也五版為一堵從土者聲

當古切

垣也者廣韻堵垣堵漢書高帝紀吏民皆按堵如故應劭曰堵牆堵也五版為一堵者儒行環堵之室注云環堵面一堵也五版為堵五堵為雉家語相魯篇邑無百雉之城注云高丈長丈曰堵三堵曰雉詩鴻鴈之子于垣百堵皆作傳云一丈為板五板為堵箋云春秋傳曰五板為堵五堵為雉雉長三丈則板六尺隱元年左傳都城過百雉國之害也杜注方丈曰堵三堵曰雉一雉之牆長三丈高一丈正義云定十二年公羊傳曰雉者何五板而堵五堵而雉何休以為堵四十尺雉二百尺許慎五經異義戴禮及韓詩說八尺為板五板為堵一堵為雉板廣二尺積高五板為一丈五堵為雉雉長四丈古周禮及左氏說一丈為板板廣二尺五板為堵一堵之牆長丈高丈三堵為雉一雉之牆長三丈高一丈以度其長者用其長以度其高者用其高也諸說不同賈逵馬融鄭元王肅之徒為古學者皆云雉長三丈故杜依用之

籀文從亭

垣也從土辟聲 比激切

垣也者急就篇泥塗墜墜壁垣牆釋名壁辟也辟禦風寒也

堦 力沼切 **周垣也從土賁聲**

周垣也者廣雅堦垣也吳語周軍飭壘韋注周繞也通作繚西都賦繚以周牆西京賦繚垣縣聯四百餘里薛綜注繚垣猶繞了也

墻 魚列切 **壁間隙也從土曷聲讀若謁**

壁間隙也者場隙聲相近通作鄰史記張釋之傳雖錮南山猶有却漢書作隙莊子批大卻

卑垣也從土守聲 力輟切

卑垣也者增韻引作庫徐鍇本作庫本書隊道邊庫垣也急就篇頃町界畝畦埒封顏注埒者田間墻道也一說謂庫垣也今之圃或為短牆蓋埒之謂也觀禮為宮方三百步注云宮謂墻土為埒以象牆壁也周禮掌舍為壇墮宮注云謂王行止宿平地築壇又委墮土起墻埒以爲宮昭二十五年公羊傳以人為畜何注蓄周埒垣也疏云猶言連筠篳叢書

周而為埒牆釋邱水潦所還埒邱郭注謂邱邊有界埒水繞環之世說王武子好馬射買地作埒五音集韻馬埒謂於外作短垣繞之也

地突也

從土甚聲

口含切

突也

詩曰蜉蝣掘閱從土厲省聲

苦骨切

突也者掘地之土突也詩曰蜉蝣掘閱者曹風蜉蝣文彼作掘箋云掘閱掘地解閱謂其始生時也戴君震曰案掘說文引作掘云突也突者掘起之意即箋所謂掘地也馥案本書無蜉蝣字

堂

殿也從土尚聲

徒郎切

急就篇室宅廬舍樓殿堂顏注凡正室之有基者則謂之堂演義堂當也當正向陽之屋殿也者御覽引本書殿堂之高大者也本書廣殿之大屋也廣雅堂壑也釋宮無室曰榭孫炎云但有堂也李巡云但有大殿無室摯虞決疑要注殿則有階陛堂有階無陛

古文堂

籀文堂

從高省者釋名堂猶堂堂高顯貌也李尤堂銘因邑制宅爰興殿堂夏屋渠渠高敞清涼

堂塾也

從土朶聲

丁果切

堂塾也者本書無塾字釋宮門側之堂謂之塾郭注夾門堂也釋宮又云坳謂之坳郭注在堂隅坳帶也釋文帶或作埽丁果反馥謂坳即梁之別體通俗文積土曰梁纂文吳人以積土為埽皇侃論語義疏坳者築土為之形如土堆在於兩楹之間飲酒行獻酬之禮更酌酌畢則各反其酒爵於坳上故謂此堆為反坳

地

屏也從土占聲

都念切

屏也者爾雅釋文引作屏牆本書屏屏蔽也郭注爾雅坳帶也玉篇帶帶翳隱蔽兒士虞禮饌於西坳上注云坳在堂角疏云坳有二若明堂位云崇坳反圭及論語云兩君之好有反坳之等在廟中有之以亢反爵之屬此言坳者

皆據堂上角為名故云堂角也馥案
本書謂堂角之玷非兩楹之玷也

靈石楊氏棨

塗 塗也從土泥聲
力腫切

本書水部
有塗字

塗也者或作塗釋名塗杜也杜塞孔穴也本書臚下引
書惟其敷丹臚書正義云敷即古塗字馥謂敷古杜字

垣 塗也從土見聲
胡典切

塗也者
廣雅同

堦 塗也從土堦聲
渠咨切

塗也者廣雅同內則塗之以謹塗注云謹當為堦聲之誤
也堦塗塗有穢草也月令季秋之月蟄蟲咸俯在內皆堦
其戶注云堦為塗閉之又仲冬之月塗闕
廷門閭詩七月塞向堦戶傳云堦塗也

堦 仰塗也從土既聲
其冀切

仰塗也者書釋文引同周書梓材若作室家既勤垣墉惟
其塗墍茨馬注墍堦色廣雅堦塗也急就篇泥塗堦墍壁
垣牆顏注墍仰塗喪服既練舍外寢注云舍外寢於中門
之外屋下壘墍為之不塗墍所謂堦室也淮南子高陽魁
將為室匠人曰未可也木尚生加塗其木必將燒生材任
重塗今雖成後必將敗漢書谷永傳凶年不墍塗顏注墍
如今仰泥屋也揚雄傳獵人凶則匠石輟斤而不敢妄斲
服虔曰獵古之善塗墍者也施廣領大袖以仰塗而領袖
不汗顏注墍即今之仰泥也
獵技拭也故謂塗者為獵人

堦 白塗也從土亞聲
烏各切

六韜宮垣屋室不堦 韓非十過篇四壁堦墀說林篇宮有
堦器有滌則潔矣用人篇夫人主不塞隙穴而勞力於堦堦
暴雨疾風必壞 一切經音義十一引蒼頡篇堦白土也
列子周穆王篇堦堦之色注云堦白土也 西山經大次之
山其陽多堦注云堦似土色甚白 史記司馬相如傳其土
則丹青堦堦張揖云堦白堦 東京賦堦堦流黃 魏畧徐
庶為人報讐白堦突面被髮而走 玉篇白堦曰堦 一切

經音義十四堦字林音善土名也即白土也亦名堦案吳晉
堦之解字彙登

連筠移叢書

本草云白堊一名白堊是也 馥案堊本白土可以塗牆故曰塗謂之堊其別色可塗者遂亦謂之堊山海經孟門之山其下多黃堊涅石尉繚子敵白者堊之赤者赭之新序諸侯牆有黑堊之色無丹青之彩又案白塗或用粉漢官儀明光殿省皆胡粉塗堊或用蜃灰周禮掌蜃共白盛之蜃鄭注謂飾牆使白之蜃也疏云白盛主於宗廟堊牆也考工記匠人白盛注云蜃灰也盛之言成也

白塗也者顏注急就篇堊白塗也釋名堊亞也次也先泥之次以白灰飾之也釋宮牆謂之堊郭注白飾牆也周禮守祧其祧則守祧黝堊之鄭司農云堊白也喪大記既祥黝堊注云地謂之黝牆謂之堊靈光殿賦皓壁皜曜以月照

堊 塗地也從土犀聲禮天子赤堊 直尼切

塗地也者李善注鮑昭詩引同廣雅堊塗也 禮天子赤堊者華嚴經音義堊謂以丹塗地魏都賦丹堊臨焱劉注丹堊以丹與蔣離合用塗地也漢官儀天子赤泥殿上曰丹堊又云尚書郎趣走丹堊奏事漢官典職以丹漆地故

曰丹堊西京賦青瑣丹堊五臣注丹堊階也以丹漆塗之漢書梅福傳願登文石之殿陟赤堊之途元后傳曲陽侯根僭上赤堊青瑣馥案後庭則黑堊釋宮地謂之黝郭注黑飾地也西都賦於是玄堊卸砌五臣注玄堊以漆飾堊堊階也

堊 土 瓠適也 一曰未燒也 從土穀聲 古歷切

玉篇堊土穀也 顏注急就篇穀者抑泥土為之令其堅激也 後漢書周紆傳紆廉潔無資常築堊以自給 汝南先賢傳袁宏臨卒勅其子以五百堊為藏舊唐書李光弼傳躬率士卒百姓於城外掘壕以自固作堊數十萬馥謂堊寫誤通鑑作堊注云堊範土為之

隸續有永初官堊文作堊 瓠適也者本書瓠瓠也玉篇瓠瓠瓠也廣雅瓠瓠瓠瓠也釋宮瓠瓠謂之瓠郭注瓠瓠也今江東呼瓠瓠詩中唐有瓠傳云瓠令適也張協詩瓠瓠夸瓠璠唐書新語張說曰墓中不置瓠瓠資以其近於火 一曰未燒也者韻會引徐鍇本一曰未燒 磚也本書無磚字

室 掃除也從土弁聲讀若糞方問切

或作拚詩東山洒掃穹室箋云掃拚釋文拚甫問反少儀席前日拚注云拚除穢也周禮隸僕掌五寢之掃除糞洒之事注云汜掃曰掃席前日拚管子弟子職凡拚之紀必由奧始俯仰磬折拚毋有徹拚前而退聚於戶內坐板排之以葉適已實帚於箕先生若作乃興而辭坐執而立遂出弃之既拚反立是協是稽又作攢詩伐木於粲洒掃箋云粲然已洒攢矣釋文攢本又作拚

掃除也者一切經音義十六引作糞除掃棄也徐鍇本作棄掃除也馥謂棄上脫糞字弁聲者當作廩本書糞古文作廩此從之也後人加聲字讀若糞者玉篇古文作廩

掃 棄也從土從帚蘇老切

棄也者廣雅掃除也周禮閭人掌掃門庭或作掃詩抑洒掃庭內論語洒掃應對又通作騷史記李斯傳竈上騷除從帚者徐鍇本作帚聲

杜 存也從土才聲昨代切

存也者釋詁文釋訓存存存也聘禮記子以君命在寡君大戴禮曾子立事篇存往者在來者盧辯注在猶存也論語父母在僖九年左傳其在亂乎杜注在存也襄二十六年傳吾子獨不在寡人杜注在存問之晉語牀第之不安躬抑驪姬之不在側也周語目不在體韋注在存也徐鍇本有此與坐同意五字

坐 止也從土從畱省土所止也此與畱同意徂臥切

曲禮坐如尸釋名坐挫也骨節挫屈也又云脚卻也以其坐時卻在後也高士傳管寧常坐一木榻上積五十年未嘗箕股其榻上當膝處皆穿賈誼書容經篇坐以經立之容肘不差而足不跌視平衡曰經坐微俯視尊者之膝曰共坐仰首視不出尋常之內日肅坐廢首低肘日卑坐

止也者廣雅同釋詁安安坐也又云安安止也馥謂坐與尻同本書尻処也從尸得几而止処止也得几而止樂記居吾語女孟子坐我明語子其意同也从畱省者畱本從巾坐亦從巾集韻坐作聖從卯李陽冰云坐從巾巾時

靈石楊氏棨

人不臥釋夢英千字文坐朝問道篆作聖五經文字序云說文體包古今先得六書之要自注云若古文作坐篆文作聖之類彙作坐隸書卯字皆變作𠄎故買亦作貧土所止也此與雷同意者徐鍇本作坐止也從雷省從土所止也祛矣篇云坐說文從雷省從土土所以止此與在同意韻會說文聖止也從土從雷省徐曰土所止也與雷同意馥案祛矣與在同意韻會與雷同意已自不同又以土所止也八字為徐語與二徐本並異

古文聖

𠄎

箸也從土氏聲

諸氏切

箸也者韻會引徐鍇本作箸止也本書泝箸止也昭二十九年左傳物乃坻伏杜注坻止也

填

塞也從土真聲

陟鄰切今待季切

塞也者本書實塞也玉篇引賈逵曰填塞也北征賦濯填塞之阨災東都賦填流泉而為沼博物志炎帝女溺於東海中化為鳥曰精衛常取西山之木石以填東海漢書溝洫志令羣臣從官皆負薪填河貢禹傳又多取好女以填

後宮

坦

安也從土旦聲

他但切

安也者易履卦釋文引同管子坦坦之利不以功坦坦之備不為用故存國家定社稷在卒謀之閒百

坻

地相次比也衛大夫貞子名坻從土比聲

毗至切

地相次比也者玉篇廣韻集韻類篇五音集韻通志並引作次坻徐鍇本同廣雅坻次也漢書諸侯王表諸侯比境周币三垂顏注比謂相接次也吳都賦商賈駢坻李善引許注淮南云坻相連也五臣注坻次也漢書儒林傳公孫宏比輯其義太

坻

滯也從土是聲

丁禮切

滯也者堤與底義同玉篇底滯也昭元年左傳勿使有所壅閉湫底杜注底滯也晉語戾久相底底著滯淫佩鱗堤滯之堤為隄防其順非有如此滯或作滯漢書倉貨志富商賈或滯財役貧蜀都賦賈買滯鬻

土

樂器也以土為之六孔從土夔聲

况袁切

或作墳本書勳古文從員 釋名墳喧也聲濁喧喧然也
 長笛賦暴卒為墳李善引世本暴卒為墳 宋書樂志墳世
 本云暴新所造亦不知何代人也周畿內有暴國豈
 其時人乎 通典引宋均曰為墳久矣此掌其官也
 樂器也者宋書樂志八音三曰土土墳也詩何人斯伯氏
 吹壘傳云土曰壘沈文阿左傳義疏按樂緯良主立春樂
 用壘白虎通禮樂篇壘在十一月壘之為言熏也陽氣於
 黃泉之下熏蒸而萌 以土為之六孔者廣雅壘象稱鍾
 以土為之有六孔釋樂大墳謂之郭郭注墳燒土為之大
 如鵝子銳上平底形如秤鍾六孔小者如雞子世本注墳
 圍五寸半長三寸半凡六孔周禮小師掌教鼓鼗祝敵墳
 簫管弦歌注云墳燒土為之大如鴈卵鄭司農云墳六孔
 呂氏春秋仲夏紀調竽笙墳籥注云壘以土為之大如鴈
 子其上為六孔漢書律歷志八音土曰墳應劭曰墳燒土
 為之其形銳上而平底六孔吹之顏注墳字或作壘其音
 同曰風俗通詩云天之誘民如墳如籥墳燒土也圍五寸
 半長三寸半有四孔
 其二通凡為六孔

土

爵諸侯之土也從土從寸守其制度也公侯百

里伯七十里子男五十里

府容切

爵諸侯之土也者字林封爵諸侯也聲類建國以土地曰
 封周禮封人凡封國設其社稷之壇封其四疆注云封國
 建諸侯立其國之封楮先生書史記三王世家後云所謂
 受此土者諸侯王始封者必受土於天子之社歸立之以
 為國社以歲時祠之春秋大傳曰天子之國有泰社東方
 青南方赤西方白北方黑上方黃故將封於東方者取青
 土封於南方者取赤土封於西方者取白土封於北方者
 取黑土封於上方者取黃土各取其色物裹以白茅封以
 為社此始受封於天子者也此之謂主土主土者立社而
 奉之也 從土者史往也書蔡仲之命往即乃封 從土
 守其制度也者徐鍇本作從土之寸寸其制度也 公侯
 百里云云者孟子天子之制地方千里公侯皆方百里伯
 七十里子男五
 十里凡四等

古文封省

說文解字卷四十四

卷四十四

七

連筠移叢書

𠄎 籀文從半

徐鍇本𠄎籀文封從半土圭古文封省 復古編圭從半省 從土籀文𠄎不省馥案徐鍇本先籀後古本書先古後籀又 改原 注

爾土王者印也所以主土從土爾馨 斯氏切

王者印也者此秦漢之制非古訓也漢書高帝紀封皇帝 璽符節應劭曰璽信也古者尊卑共之左傳襄公在楚季 武子使公冶問璽書追而與之秦漢尊者以為信羣下乃 避之魯語追而與之璽書韋注璽印也古者大夫之印亦 稱璽璽書璽封書也韓非外儲說潘壽見燕王曰今王將 傳國子之太子之人盡懷印璽子之人無一人在朝廷 者王因收吏璽自三百石已上皆劾之子之又云西門豹 為鄴令居期年上計君收其璽豹願請璽復以治鄴又云 梁車新為鄴令別其子足趙成侯以為不慈奪之璽而免 之令馥謂此古者印璽通名之證 所以主土者御覽引 作以守土元崔或進傳國璽箋云許慎說文璽王者印也 以守土故為文從爾從土其義蓋曰天付爾此器俾寶之

以守爾 土也

𠄎 籀文從王

籀文從王者古印有梁后之璽其文從王崔或曰周太史 籀易為從爾從王義取天付爾此玉寶以為天下君也衛 宏曰秦以前民皆以金玉為印惟其所好自秦以來惟天 子之印獨稱璽又以玉羣臣莫敢用也玉璽譜始皇初定 天下所刻之璽其玉出藍田丞相李斯所書博袤四寸魚 身為文漢官舊儀皇帝六璽皆白玉螭虎鈕文曰皇帝行 璽皇帝之璽皇帝信璽天子行璽天子之璽天子信璽凡 六璽皇帝行璽凡封命用之皇帝之璽賜諸侯王書皇帝 信璽發兵其徵大臣以天子行璽策拜外國 事以天子之璽事天地鬼神以天子信璽

𠄎 書墨也從土從黑黑亦馨 莫北切

本書赤古文作𠄎馥謂墨與𠄎同意 廣雅墨黑也 釋名 墨海也似物晦墨也 傅元少傅箴近朱者赤近墨者黑 書墨也者范子計然墨出三輔王嘉拾遺記張儀蘇秦傭 力寫書行遇聖人之文無以題記則以墨書於掌夜還更

靈石楊氏采

以竹寫之新序墨筆操牘隨君之後司君之過而書之汲
 太子妻與夫書曰并致上書墨十螺西京雜記尚書令僕
 承郎月給隃糜墨漢官儀賜尚書郎赤管大筆一雙分墨
 一丸戴延之西征記石墨山北五十里山多墨可以書願
 微廣州記懷化郡掘壅得石墨甚多精好可寫書潯陽記
 廬山有石墨可書輿地志上洛山有石墨可書寰宇記虔
 州贛縣上洛山有石墨可書元和志壽安縣石墨山在縣
 西南三里山石如墨可以書又云黟縣有墨領出墨石寰
 宇記黟縣墨領山領有穴中有墨石軟膩土人取為墨色
 碧甚鮮明可以記文字又有石墨井昔人采墨之所較耕
 錄上古無墨竹挺點漆而書中古方以石磨汁或云是延
 安石液楊慎曰魏都賦黑井鹽池玄液素滋注鄴西高陵
 西伯楊城西有黑井今在彰德府南郭村井產石墨可以
 書陸士龍與兄書云三台上有曹公石墨數十斤云燒此
 復消可用然煙中人不知兄頗見之否今送二螺卽此物
 也又宜陽縣有石墨山汧陽縣有石墨洞贛州興國縣上
 洛山皆產石墨廣東始興縣小溪中亦產石墨婦女取以
 畫眉名畫眉石按古者漆書之後皆用石墨以書大戴禮
 所謂石墨相著則黑是也漢以後松烟桐煤既盛故石墨
 遂湮廢并其名入亦罕知之顧炎武曰今人謂石炭為墨

按水經注冰井臺井深十五丈藏冰及石墨焉石墨可書
 又然之難盡亦謂之石炭是知石炭石墨一物也有精麤
 爾從土從黑者蘇易簡文房四譜墨者
 黑土也字從黑土 黑亦聲者當為黑聲



以黍和灰而髮也從土完聲一曰補塿

胡玩切

以黍和灰而髮也者徐鍇本作以黍和灰丸而髮也考工
 記輪人既摩革色青白謂之鞞之善注云謂丸漆之乾而
 以石摩平之列子象塿以為丸本書鮑塿已復黍之一
 切經音義十八通俗文燒骨以黍曰塿蒼頡訓詁塿以黍
 和之今中國人言塿江南言髹周禮角人掌以時徵齒角
 凡骨物於山澤之農注云骨入漆塿者中車髹飾注云故
 書髹為軟杜子春云軟讀為黍塿之塿字或作脗一切經
 音義二十江南名髹北人名脗又通作脗檀弓華而脗釋
 文孫炎云脗漆也 一曰
 補塿者廣韻塿黍補塿也

塿 士鑄器之法也從土荆聲

戶經切

傳元太子少傅箴夫
 金木無常方圓應型

連筠移叢書

鑄器之法也者本書鑲作型中賜也玉篇型鑄器之法模也廣韻型鑄鐵模也集韻引舊說以土為法曰型以金為法曰範以木為法曰模淮南齊俗訓鑪橐埴坊設非巧冶不能以治金高注坊土型也通作荆詩儀荆文王又荆于寡妻傳竝云荆法也

射臬也從土臬聲讀若準之允切

射臬也者後漢書注引同一切經音義一通俗文射期曰埠埠中木曰的說文埠射臬也射侯也以熊虎之皮飾其側方制之以為埠太元魯師或導豚其埠注云埠狀的也通鑑吳元濟殺楊元卿妻以坊射期注云期射埠也呂氏春秋本生篇萬人操弓共射其一招招無不中注云招埠的也盡數篇射而不中反修于招何益於中注云于招埠藝也別類篇射招者欲其中小也注云招埠藝也中小謂剖微不失毫分射之工也馥案藝即臬窳或作藝是也後漢書齊武王縯傳使長安中官署及天下鄉亭皆畫伯升像于塾旦起射之注云蕭該音義亦作塾東觀記續漢書竝作埠馥謂塾乃藝之譌程君瑤田曰周官司裘注侯以皮飾其側又方制之以為臬釋文臬亦作準而毛詩疏

引鄭注譌作質且云質者正也是鄭注刊本字畫已譌而尚存其似詩疏更譌而易其文與義不有說文則皆莫能是正之矣 讀若準者廣韻埠射的周禮或作準本書臬射準的也

雞棲垣為峙從土時聲市之切

雞棲垣為峙者廣韻峙穿垣栖雞釋宮雞栖於弋為櫟鑿垣而栖為峙郭注今寒鄉穿牆栖雞詩君子于役雞棲于峙傳云鑿牆而棲曰峙

城以盛民也從土從成亦聲氏征切

世本鮌作城 呂氏春秋君守篇夏鮌作城注云鮌禹父也築作城郭 淮南子繇作九仞之城 吳越春秋鮌築城以衛君造郭以守民 博物志處士東里鼂責禹亂天下事禹退作三城强者攻弱者守敵者戰城郭蓋禹始也 五經異義天子之城高九仞公侯七仞伯五仞子男三仞 公羊解詁天子之城千雉高七雉公侯百雉高五雉子男五雉高三雉

以盛民也者盛當為歲通作盛釋名城盛也盛受國都也
 古今注城者盛也所以盛受民物也水經注引風俗通城
 盛也從土成聲尚書大傳聖人者民之父母也為之城郭
 以屋之春秋隱七年城中邱穀梁云城為保民為之也僖
 十八年左傳梁伯益其國而不能實也命曰新里杜注多
 築城邑而無民以實之成十二年傳此公侯之所以扞城
 其民也襄二十九年穀梁傳古者天子封諸侯其地足以
 容其民其民足以滿城以自守也史記宋世家四曰司空
 集解引馬融曰司空掌營城郭空土以居民漢書倉貨志
 是以聖王城民築城郭以居之 成亦聲者當為成聲

籀文城從寧

城垣也從土庸聲

余封切

城垣也者當云城也垣也廣韻墉城也垣也鄭注王制云
 小城曰墉易解卦公用射隼于高墉之上馬云墉城也詩
 夏耜其崇如墉皇矣以伐崇墉傳並云墉城也韓奕實墉
 實墉傳云高其城深其壑也襄九年左傳祝宗用馬于四
 墉杜注墉城也後漢書班固傳陵墉道而超西墉注云墉
 城也或通作庸尚書大傳天子賁庸鄭注庸謂之庸漢書

翟義傳封桓譚為明告里附城顏注云如古附庸也又王
 莽傳當賜爵關內侯者更名曰附城詩崧高以作爾庸傳
 云庸城也又通作鄘昭二十一年左傳宋城舊鄘注云舊
 鄘故城也釋文鄘本或作墉昭十八年傳祈于四鄘杜注
 鄘城也馥案此皆訓墉為城也玉篇墉牆也釋名墉容也
 所以蔽隱形容也釋宮牆謂之墉書梓材既勤垣墉馬曰
 卑曰垣高曰墉禮器君南鄉於北墉下注云牆謂之墉晉
 語猶無基而厚墉也其壞也無日矣韋注墉牆也顧炎武
 曰唐任恭牌未挂東都之冠先覆北墉之首按論語伯牛
 有疾注禮病者居牖下仁山金氏曰牖字誤當作墉蓋室
 中北墉而南牖墉牆也
 馥案此皆訓墉為牆也

古文墉

籀文城字寧旁加成堵字寧旁加者牌字寧旁加
 卑此亦當寧旁加庸玉篇寧部有龠字云古文墉

城上女垣也從土葉聲

徒叶切

城上女垣也者宣十二年左傳正義引同或作堞初學記
 說文所謂堞者亦女牆也字書堞女牆也廣雅堞女牆也

埤蒼堞城上小垣也一切經音義二釋名或言女牆言其卑小比於城若女子之於丈夫也或言堞取其重疊之義也襄六年左傳堞之環城傅於堞杜注堞女牆也襄二十五年傳吳子門焉牛臣隱於短牆以射之襄二十七年傳崔氏堞其宮而守之杜云堞短垣正義云謂新築女牆而守之淮南兵畧訓莫不設渠堞傳堞而守高注堞城上土牆魏都賦於是崇墉濬瀦瀾嬰堞帶浹五臣注堞城上女牆也

堞

陷也從土欠聲

苦感切

陷也者當為各本書各小阱也玉篇引易坎陷也釋名坎險也晉太康地記坎欲聚在鞏西晉書地道記作坎培馥案當作坎各

鞏土下也春秋傳曰墊隘從土執聲

都念切

下也者蒼頡篇同莊子外物篇然則廁足而墊之致黃泉釋文司馬崔云墊下也釋名下溼曰隰隰墊也墊溼意也馥案墊當作墊字苑作凹云陷也書皋陶謨下民昏墊鄭注墊陷也漢書王莽傳武功中水鄉民三舍墊為池顏注

篆當

作堞 堞 小渚也詩曰宛在水中坻從土氏聲

直尼切

墊陷也後漢書郭太傳行遇雨中一角墊 春秋傳曰墊隘者成六年襄二十五年左傳文同本書羈下引作墊隄

篆當

作坻 小渚也者玉篇水中可居曰坻釋水小洲曰渚小渚曰坻

坻不堅韓非難一篇河濱之漁者爭坻何犴注坻水中高地釣者依之詩甫田如坻如京箋云坻水中之高也史記賈生傳乘流則逝兮得坻則止集解駟案張晏曰坻水中小州也正義坻水中沙微起出水者也漢書司馬相如傳下蹟歷之坻顏注坻水中高處也傳又云臨坻注壑顏注坻謂水中隆高處也思元賦伏靈龜以負坻兮五臣注坻洲也易坎祗既平鄭注當為坻小邱也字或作坻釋名小坻曰坻坻遲也能遏水使流遲也又或作汴楚詞九懷淹低徊兮京汴王注小渚為汴 詩曰宛

坻或從水從父

坻

坻

坻

氾或從水從者

下入也者本書隰阪下溼也玉
篇燥墊也或作溼廣雅墜下也

水乾也一曰堅也從土各聲

胡格切

水乾也者廣韻格土乾也一曰堅也者齊
民要術凡下田停水處燥則堅格溼則汙泥

以土增大道上從土次聲

古文姿從土即虞書曰龍朕聖讒說於行聖疾惡也

虞書曰龍朕聖讒說於行者舜
典文傳云聖疾言我疾讒說

益也從土曾聲

益也者釋言文郭云今江東通言增本書會下云曾益也
種增益也孟子增益其所不能說苑以一累壤增太山不

益其高

增也從土卑聲

符支切 增也者本書溼下云卑增水邊土人所止者廣雅卑益也
鄭注玉藻云紕讀如卑益之卑詩北門政事一卑益我漢

王純碑陰共出義錢卑石碑
直言出錢增益石碑之價直

益也從土付聲

符遇切 益也者廣雅同呂氏春秋孟冬紀增城郭高注增益也又
孟秋紀增城垣高注增猶培也通作附論語季氏富於周

公而求也為之聚斂而附益之孟子附之以韓魏之家趙
注附益也漢書諸侯王表設附益之法王莽傳莽皆傳致

其罪顏注傳讀曰附附益而引致之今入罪又通作坏月
令仲秋蟄蟲坏戶鄭注坏益也周書時訓解作附戶又孟

冬坏城郭鄭注坏益也又呂氏
春秋增牆垣月令作坏牆垣

先代切 益土隔也從土從窶

說文解字詁林 卷四十四

隔也者李善注西京賦引作隔塞也蓋倒互之誤本書阨塞也隔障也月令季春開通道路無有障塞史記蘇秦傳秦四塞之固披山帶渭從窳者當為窳聲

冫

汝穎之閼謂致力於地曰至從土從又讀若兔窟

骨苦切

切

汝穎之閼謂致力於地曰至者或作勗廣韻勗力作也 讀若兔窟者徐鍇本作免鹿窟

培

堅土也從土自聲讀若泉

其冀切

埽

气出土也一日始也從土叔聲

昌六切

气出土也者通作俶釋詁俶作也 一日始也者本書俶始也

埽

堅土也從土坐聲讀若朶

丁果切

堅土也者一切經音義六字林埽聚土也廣韻埽土埽淮南說林訓窟穴者託埽防便也論衡說日篇太山之高參

天人雲去之百里不見埽塊或作埽纂文吳人以積土為埽埽堅也廣韻堅埽也又射埽唐六典武舉有長埽馬射讀史方輿紀要井陘射埽山在縣東南六十里秦王翦伐趙嘗射埽於此

埽

地也從土曼聲

子林切

取

土積也從土從聚省

才句切

土積也者詩縣釋文引本書掙引取土馥案取土即堅字誤分爲二蓋引堅也禮運人情以爲田注云田人所掙治正義云謂以手掙聚馥謂此引堅之義 從聚省者徐鍇本作聚省聲

塿

保也高土也從土冫聲讀若毒

都皓切

保也者玉篇引作堡也集韻類篇同九章算術今有方塿塿李淳風注云塿城也塿謂以土擁木也唐書哥舒翰傳拔連城堡廣雅塿隄也 高土也者徐鍇本有一曰二字 讀若毒者李淳風云塿音丁老反又音纛

培

培敦土田山川也從土音聲

薄回切

培敦土田山川也者玉篇培益也老子或培或墮傅奕引字林培益也徐錯曰左傳分之土田培敦命以伯禽封于少昊之虛注培增也詩曰錫之山川土田附庸此總兩說也

治也者玉篇瑄耕治也通作整莊十三年左傳夫禮所以整民也正義云整理天下之民

瑄 治也從土爭聲 疾鄂切

擁也者擁當為靡或作壅廣韻璋壅也史記秦本紀河決不可復壅玉篇引國語縣繇璋洪水通作障釋言障眇也郭注謂壅障昭元年左傳障大澤杜注陂障呂氏春秋季春紀開通道路無有障塞高注障壅也

塹 遏遮也從土則聲 初力切

塹 地塹也一曰岸也從土巨聲 語斤切

玉篇有古文作塹

地塹也者一切經音義七引作地圻圻也李善注七發引作地圻圻也後漢書班固傳注引作界也史記賈生傳圻圻無垠索隱案無垠謂無有齊畔也說文云垠圻也馥案圻下脫圻字廣韻垠圻圻玉篇圻圻也集韻土有起迹曰垠七命旌拂霄垠軌出蒼垠淮南傲真訓四達無竟通於無圻一曰岸也者一切經音義八引同廣韻圻曲岸廣雅垠厓也淮南子出於無垠鄂之門許注垠鄂端崖也謝靈運富春渚詩遡流觸驚急臨圻阻參錯李善云埤蒼曰崎曲岸頭也崎與圻同馥案靈運又有入彭蠡湖口詩云州島聚迴合圻岸屢崩奔

圻 垠或從斤

或從斤者艮斤聲相近左傳介根城漢志作計斤

單 野土也從土單聲 常衍切

野土也者周禮大司馬暴內陵外則壇之注云壇讀如同單之單王霸記曰置之空壇之地

埴 埴也從土多聲 尺氏切

恃也者埒恃聲相近
廣韻埒恃土地也

田 軍壁也從土晶聲
力委切

六韜設營壘則有天羅武落行馬蒺藜又云壘門拒守矛戟
小櫓十二具絞車連弩用以自副又云三軍齊整陣勢以固
深溝高壘 拾遺錄
中壘校尉掌軍壘門

軍壁也者曲禮四郊多壘注云壘軍壁也周禮量人營軍
之壘舍注云軍壁曰壘倍十九年左傳因壘而降釋文壘
軍壘宣十二年傳摩壘而還鄭注軍壁曰壘史記白起傳
趙軍築壘壁而守之又云趙軍逐勝追造秦壁又云趙戰
不利因築壁堅守正義秦壁一名秦壘趙壁今名趙東壘
漢書高帝紀帝晨馳入韓信張耳壁奪之軍又周亞夫傳
堅壁而守後漢書杜詩傳今若使
公卿郡守出於軍壘注云壘軍壁

坵 毀垣也從土危聲詩曰乘彼坵垣
過委切

毀垣也者廣韻坵垣毀垣也毛居正曰凡垣墉圯壞皆曰
坵坵猶毀也圯也釋詁坵毀也管子霸形篇水深滅坵注

云坵敗牆也 詩曰乘彼坵
垣者衛風氓文傳云坵毀也

圯 坵或從自

圯 毀也虞書曰方命圯族從土已聲
符鄙切

毀也者釋詁文釋文圯岸毀也釋言圯覆也郭注謂毀覆
列子黃帝篇注引字林圯毀也書序祖乙圯于耿釋文引
馬云圯毀也孫子九變篇圯地無舍杜注水毀曰圯漢書
敘傳將圯絕而因階顏注圯毀也 虞書曰方命圯族者
堯典文史記
作負命毀族

非 圯或從手從非配省聲

從非配省聲者徐鍇本作配省非聲
廣韻醱覆也或作巖案本書巖崩也

塞 塞也尚書曰鮌圍洪水從土畀聲
於真切

塞也者當為寔通作塞廣雅堙塞也史記秦始皇本紀塹
山堙谷宋書鄧琬傳推此義銳滄海可堙漢書后奮傳閉

靈石楊氏棊

者河水滔陸泛濫十餘郡隄防勤勞弗能墜塞顏注墜填也或作埋襄六年左傳晏弱城東陽而遂圍萊甲寅埋之環城傳於堞襄二十五年傳當陳隧者井埋木刊杜注埋塞也漢書司馬相如傳乃埋洪原顏注埋塞也後漢書張儉傳然儉以區區一掌而欲獨埋江河注云埋塞也又通作闔周禮掌蜃以其闔墜之蜃鄭注闔猶塞也尚書曰鮪壘洪水者洪範文彼作墜傳云墜塞案本書不稱尚書當是商書後人以孔傳為周書改商為尚孔穎達曰洪範以為周書以箕子至周商人所陳而傳引之即曰商書也馥案本書釋下引商書彝倫攸燁

古文壘

輒士阬也一曰大也從土斬聲七豔切

阬也者或作坑廣雅穿坑也潘岳西征賦儒林填於坑穿儋十九年左傳乃溝公宮賈注溝塹也史記秦本紀塹山埋谷秦始皇本紀乃自除犯禁者四百六十餘人皆阬之咸陽又白起傳趙卒四十萬人降武安君乃挾詐而盡坑

殺之又司馬相如傳墮牆填塹襄十八年左傳塹防門而守之廣里杜注於門外作塹橫行廣一里昭十七年傳環而塹之及泉昭二十九年傳塹而灰杜注墮塹灰也字或作塹史記高祖本紀深塹而守廣韻塹坑也遶城水也塹上同出說文一曰大也者本書塹一曰大也

塹 秦謂阬為塹從土叟聲讀若井汲綆切古杏

秦謂阬為塹者廣韻塹秦人謂坑也廣韻塹坑也蒼頡篇塹小坑也

塹 塹穴也一曰大也從土廣聲苦誦切

塹穴也者廣韻塹墓穴通俗文邱塚謂之塹垣廣雅藏謂之塹釋名塹曠也藏於空曠處也小爾雅廣名塹謂之窳周禮喪祝及塹說載除飾注云塹謂穿中也檀弓弔于葬者必執引若從柩及塹皆執紼雜記四十者待盈坎注云坎或為塹列子天瑞篇望其塹畢如也宰如也墳如也高如也注云塹墓穴也一曰大也者本書慮大也

塹 高燥也從土豈聲苦亥切

高燥也者廣韻塏爽塏高地昭三年左傳請更諸爽塏者杜注塏燥

𡇗

𡇗 𡇗也從土毀省聲 許委切

𡇗也者釋詁虧壞圯墜毀也禮儒行毀方而瓦合孝經不敢毀傷釋文云蒼頡篇云毀𡇗也廣雅云虧也秦策今王妬楚之不毀也鮑注謂無傷白虎通男八歲毀齒女七歲毀齒

𡇗

𡇗 古文毀從全

𡇗

𡇗 壞也一曰塞補從土厭聲 烏狎切

壞也者一切經音義六引作壞也鎮也馥案本書鎮博壓也蒼頡解詁壓鎮也管也

壞

壞也從土壞聲 下怪切

敗也者當為退本書退數也廣韻壞自破也春秋文十三年大室屋壞

𡇗

𡇗 古文壞省

𡇗

𡇗 籀文壞

爾雅釋文說文云壞敗也籀文作𡇗字林云壞自敗也下怪反數毀也公壞反馥案本書支部數毀也

𡇗

𡇗 坎𡇗也梁國寧陵有𡇗亭從土可聲 康我切

坎𡇗也者玉篇坎𡇗不平漢書揚雄傳濊南巢之坎𡇗兮顏注坎𡇗不平貌 梁國寧陵有𡇗亭者漢地理志寧陵屬陳畱郡郡國志屬梁國𡇗通作柯蔡邕於柯亭見好竹取作笛材是也

𡇗

𡇗 埽也從土虜聲 呼誦切

埽也者本書罅裂也集韻闔埽壁隙也周易雷雨作而百果草木皆甲拆鄭本作甲宅注云皆讀如人倦解之解謂埽埽皮曰甲根曰宅馥案蜀都賦百果甲宅

𡇗

𡇗 或從自

𡇗

𡇗 裂也詩曰不埽不𡇗從土席聲 丑格切

本書於坼也。坼之性坼果孰有味亦坼故謂之坼。周禮占人之職卜人占坼注云坼兆釁也。竹書顯王二十三年終

中地坼西絕于汾。齊策贏博之闕地坼至泉。史記趙世家代地大動地坼東西百三十步。後漢書安帝紀日南地坼長百餘里又云京師及郡國四十二地震或坼裂水泉涌

出。說苑湯之時大旱七年維坼川竭。王隱晉書何曾丞餅上不坼作十字不食。

裂也者易解卦釋文引同廣雅字林並同本書於灼龜坼也。月令土地分裂注云地隆坼也。莊子宋人有善不龜手

之藥者注云其藥能令人手不龜文坼裂也。呂氏春秋仲冬紀地始坼高注凍裂也。淮南本經訓天旱地坼注坼燥

裂也。詩曰不坼不離者大雅生民文彼作折釋文作坼。史記楚世家陸終生子六人坼剖而產焉。帝王世紀禹母

吞神珠坼而生禹。于寶搜神記前志所傳修己背坼而生禹。簡狄坼而生契。詩云不坼不副無災無害原詩人之旨明古之婦人常有坼剖而產者矣。

坼 塵埃也從土央聲 於亮切

塵埃也者博物志吳人謂塵土為埃塊

塵 塵也從土麻聲 叵果切

塵也者廣雅同一切經音義十二通俗文孰土曰塵塵亦塵也。淮南子揚埃而布塵。許注埃塵塵也。劉向九歎念氛

襄其如塵。玉注塵塵也。王褒九懷羶土忽兮塵塵。

埃 塵土也從土婁聲 洛侯切

塵土也者廣雅婁土也

塋 塵也從土分聲 一曰大防也 房吻切

塵也者後漢書東夷倭傳注引同廣雅同一切經音義三通俗文塋土曰塋。一曰大防也者或作墳釋邱墳大防

郭注謂隄又釋地墳莫大於河墳。郭注墳大防詩遵彼汝墳傳云墳大防也。又通作濱。本書濱水崖也。詩常武鋪敦淮濱箋云淮水大防之上郊。特牲祭坊與水庸事也。經解以舊坊為無所用而壞之者必有水敗。

非 塵也從土非聲 房未切

塵也者玉篇非塵也

埃 塵也從土矣聲 鳥開切

塵也者廣雅同一切經音義十七通俗文灰塵曰埃埃亦塵也蒼頡篇埃風揚塵也楚詞離騷溢埃風余上征王注埃塵也漁父安能以皓皓之白而蒙世俗之塵埃乎莊子野馬也塵埃也漢書景十三王傳杳冥晝昏塵埃掩覆

毳 塵埃也從土毳聲 鳥雞切

塵埃也者廣雅毳塵也

泥 澱也從土沂聲 魚僅切

澱也者本書澱滓泥也又黠下云黠謂之泥泥滓也釋器澱謂之泥郭注滓澱也今江東呼泥江賦泥淪淪滾滾

垢 濁也從土后聲 古厚切

濁也者本書淤下云澱滓濁泥

塿 天陰塵也詩曰塿塿其陰從土壹聲 於計切

天陰塵也者玉篇引作天陰塵起也篇海同詩曰塿塿其陰者邶風終風文彼作曠韓作塿

邱 再成者也一曰瓦未燒從土不聲 芳梧切

邱再成者也者徐鍇韻譜作山一成水經注河水云河水又東逕成皋大伾山下爾雅曰山一成謂之伾許慎呂忱等竝以為邱一成也孔安國以為再成曰伾亦或以為地名非也馥案鄜氏所見說文作邱一成今作再成者後人據書傳改之顏注地理志山再重曰伾亦據書傳孔氏正義云鄭玄云大伾在修武武德之界張指云成皋縣山也漢書音義有臣瓚者以為修武武德無此山也成皋縣山又不一成今黎陽縣山臨河豈不是大伾乎瓚言當然馥案薛士龍曰大伾山許慎說今黎陽之黎山薛引許說或出淮南注又在瓚之前矣隋書地理志黎陽縣有大伾山元和志黎陽縣大伾山南去縣七里即黎山也寰宇記黎陽縣大伾山在縣南七里尚書云至于大伾又名青檀山

馥案此皆在贄後而從其說者 一曰瓦未燒者一切經音義十五引字林瓦未燒者曰坯華嚴經音義坯未燒瓦也齊民要術凡甕七月坯為上後漢書崔駰傳坯冶一陶注云坯土器之未燒者字或作埤考工記瓶人膊崇四尺注云凡器高於此則埤不能相勝或作瓶集韻瓶瓦未燒者又作阨莊子庚桑楚正晝為盜日中穴阨釋文引裴云阨牆也馥謂以坏為牆也

埤

埤封也詩曰鶴鳴于埤從土至聲

徒結切

埤封也者一切經音義一埤蟻堆也玉篇埤埤冢也廣雅埤封場也方言蚍蜉其場謂之坻或謂之埤注云亦言冢也方言又云埤封場也楚郢以南蟻土謂之封埤中齊語也博物志蟻知將雨易林蟻封戶穴大雨將集韓詩章句天將雨而蟻出壅土淮南修務訓埤知為埤孟子泰山之於邱埤注云埤蟻封也法言問神篇太山之與埤埤韓非姦劫篇猶埤埤之比大陵也學記蛾子時術之注云蛾蚍蜉也蚍蜉之子微蟲耳時術蚍蜉之所為其功乃復成大埤呂氏春秋慎小篇人之情不蹶於山而蹶於埤注云埤蟻封也郭璞蚍蜉賦感萌陽以潛出將知水而封穴臧榮

緒晉書王湛以王濟馬與督郵馬當蟻封內試之 詩曰鶴鳴于埤者幽風東山文傳云埤埤塚也馥案鶴當為隤本書隤下引詩作隤

埤

益州部謂蟻場曰埤從土且聲

七余切

益州部謂蟻場曰埤者玉篇蟻曲蟻也方言坻埤埤場也梁宋之閒蚍蜉蝥鼠之場謂之坻蟻場謂之埤注云蟻蚍蜉也其糞名埤

坻

徒隸所居也一曰女牢一曰亭部從土旨聲

古泣切

徐錯本有讀若隹三字

坻

四突出也從土叡聲

胡八切

瘞

幽瘞也從土瘞聲

於屬切

幽瘞也者本書瘞瘞也釋言瘞幽也郭注幽亦瘞也釋天祭地曰瘞埋孫炎曰瘞者翳也既祭翳藏地中祭法瘞埋

靈石楊氏采

於泰折祭地也周禮司巫凡祭祀守瘞注云瘞謂若祭地祇有埋牲玉者也山海經用一璋玉瘞注云瘞葬也漢書武帝紀祠常山瘞玄玉鄧展曰瘞埋也楚元王傳多其瘞藏顏注瘞埋也後漢書杜篤傳瘞后土注云瘞埋也



喪葬下土也從土朋聲春秋傳曰朝而塋禮謂之封

周官謂之窆虞書曰塋淫于家

方鄧切

喪葬下土也者徐鍇本作喪葬不下土也馥謂不當為才小爾雅下棺謂之窆填竈謂之封釋言薶塞也郭注謂塞孔穴春秋傳曰朝而塋者昭十二年左傳文彼云司墓之室有當道者毀之則朝而塋注云塋下棺禮謂之封周官謂之窆者易繫辭不封不樹虞翻曰穿土稱封封古窆字也王制庶人縣封注云縣封當為縣窆檀弓縣棺而封注云封當為窆窆下棺也春秋傳作塋曾子問遂既封而歸注云封當為窆又遂既封改服而往注云封亦當為窆喪大記凡封用綽去碑負引注云封周禮作窆窆下棺也此封或皆作斂檀弓曰公輸若方小斂般請以機封謂此斂也然則棺之入坎為斂與斂尸相似記時同之耳周禮鄉師及窆執斧以泣匠師鄭司農云窆謂葬下棺也春

秋傳曰日中而塋禮記所謂封者又遂人及窆陳役鄭司農云窆謂下棺時禮記謂之封春秋謂之塋皆葬下棺也聲相似又大僕大喪始崩戒鼓傳達于四方窆亦如之鄭司農云窆謂葬下棺也春秋傳所謂日中而塋禮記謂之封皆葬下棺也音相似窆讀如慶封汜祭之汜虞書曰塋淫于家者益稷文彼作朋徐鍇本作虞書曰塋淫于家亦如是閻若璩曰安國傳朋羣也穎達疏言羣娶妻妾恣意淫之無男女之別余謂丹朱之惡尙未至此蓋古文本作塋說文云塋喪葬下土也此如楚王戊為薄太后服私姦服舍詔削其支郡之事亦與上文岡水行舟一例于義為長

塋 畔也為四時界祭其中周禮曰塋五帝於四郊從土

兆聲

治小切

廣雅宅兆營域葬地也土喪禮掘四隅外其壤掘中南其壤所謂兆也通作兆周禮小宗伯掌兆中廟中之禁令注云兆壇塋域樂記綴兆舒疾注云兆其外營域也郊特牲郊之祭也迎長日之至也大報天而主日也兆於南郊就陽位

說文解字義疏

卷四十四

三

連筠蓀叢書

也文十八年左傳其器則姦兆也杜注兆域也周書作洛解
 設丘兆於南郊以祀上帝配以后稷農星先王皆與會晏子
 景公為路寢之臺晏子令吏遠其兆東觀漢記上都雒陽制
 兆於城南七里北郊四里文選冊魏公九錫文設官兆祀不
 失舊物天地鬼神於是獲又釋言兆域也郭注謂塋界土喪
 禮兆南面鄭注兆域也新營之處孝經卜其宅兆而安措
 之哀二年左傳無入于兆杜注兆葬域又通作肇書堯典肇
 十有二州大傳作兆鄭注兆域也為營域以祭十二州之分
 星也詩生民以歸肇祀箋云肇郊之神位也正義云言神位
 之兆肇宜作兆周禮小宗伯云兆五帝於四郊是也表記引
 詩后稷兆祀注云兆四郊之祭處也詩元鳥肇域彼四海箋
 云肇當作兆兆域正天下之經界正義云箋以肇域其文當
 為界域營兆
 故轉肇為兆

畔也者禮含文嘉注云兆者作封畔兆域也 為四時界
 祭其中者本書時天地五帝所基地祭地馥謂凡郊祀大
 小皆有兆 周禮曰兆五帝於四郊者春官小宗伯文彼
 作兆注云兆為壇之營域五帝蒼曰靈威仰太昊會焉赤
 曰赤嫫怒炎帝會焉黃曰含樞杻黃帝會焉白曰白招拒
 少昊會焉黑曰汁光紀顓頊會焉賈逵周禮解詁東郊木

帝太皞八里南郊炎帝七里西郊金帝少皞九里北
 郊水帝顓頊六里中兆黃帝之位并南郊之季故云兆五
 帝於四郊也春秋文耀鉤太微宮有五帝坐星漢書郊祀
 志天神貴者泰一泰一佐曰五帝史記天官書其內五星
 五帝坐五經通義天神之大者曰昊天上帝其佐曰五帝
 唐補闕王仲邱曰五帝者五行之精九穀之宗也五經異
 義引淳于登說周公祀文王於明堂以配上帝上帝五精
 之帝太微之庭中有五帝座星禮器因吉土以饗帝于郊
 注云以四時所兆祭於四郊者也周禮典祀掌外祀之兆
 守皆有域注云外祀謂所祀於四郊者域兆表之塋域宣
 三年公羊解詁孝經宗祀文王於明堂以配上帝上帝五
 帝在太微之中迭生子孫更王天下南齊書禮志引馬融
 曰郊天之祀咸以夏正五氣用事有休有王各以其時兆
 於方郊梁書許懋傳小宗伯云兆五帝於四郊此即月令
 迎氣之郊也續漢書迎氣五郊之兆四方之兆各依其位
 月令注云迎春祭蒼帝靈威仰於東郊之兆也迎夏祭赤
 帝赤嫫怒於南郊之兆也迎秋者祭白帝白招拒於西郊
 之兆也迎冬者祭黑帝叶光紀於北郊之兆也文耀鉤春
 起青受制其名靈威仰夏起赤受制其名赤嫫怒秋起白
 受制其名白招拒冬起黑受制其名叶光紀季夏六月火

受制其名含樞紐隋書禮儀志禮天子每以四立之日及季夏各於其方之近郊為兆迎其帝而祭之所謂燔柴於泰壇掃地而祭者也春迎靈威仰者三春之始萬物稟之而生莫不仰其靈德服而畏之也夏迎赤熛怒者火色熛怒其靈炎口至明盛也秋迎白招拒者招集拒大也言秋時集成萬物其功大也冬迎叶光紀者叶拾光華紀法也言冬時收拾光華之色伏而藏之皆有法也中迎含樞紐者含容也樞機有開闔之義紐者結也言土德之帝能含容萬物開闔有時紐結有法也然此五帝之號皆以其德而名焉漢書郊祀志泰一佐曰五帝顏注謂青帝靈威仰赤帝赤熛怒白帝白招拒黑帝叶光紀黃帝含樞紐也一說蒼帝名靈符赤帝名文祖白帝名顯紀黑帝名玄矩黃帝名神斗楚詞九章令五帝以折中王注五帝謂五方神也東方為太皞南方為炎帝西方為少昊北方為顓頊中央為黃帝漢書魏相傳東方之神太昊乘震執規司春南方之神炎帝乘離執衡司夏西方之神少昊乘兌執矩司秋北方之神顓頊乘坎執權司冬中央之神黃帝乘坤艮執繩司下土茲五帝所司各有時也禮含文嘉五祀南郊北郊西郊東郊中兆正謀注云東郊去都城八里南郊九里北郊六里中郊西郊去城五里正謀者方欲迎氣齋戒

自端正謀慮其事也續漢書祭祀志建武二年初制效兆於雒陽城南為圓壇八陛中又為重壇天地位其上其外壇上為五帝位青帝位在甲寅之地赤帝位在丙巳之地黃帝位在丁未之地白帝位在庚申之地黑帝位在壬亥之地

熒 墓也從土熒省聲 余傾切

墓也者李善注齊敬皇后哀策文引作墓地通鑑馬援妻孥不敢以喪還舊塋注引本書塋墓地玉篇增韻篇海所引竝作墓地廣韻塋墓域廣雅塋域葬地也周禮冢人守墓禁注云禁所為塋限漢書楚元王傳太夫人夢賜塋顏注塋冢也謂為界域如淳曰塋冢田也後漢書謝夷吾傳墓不起墳注云墓謂塋域墳謂築土後魏書劉昶尙三公主及終與三公主同塋異穴顏延之拜陵廟詩崇樹加園塋 熒省聲者徐鍇本作營省亦聲

墓 邱也從土莫聲 莫故切

廣雅墓冢也 釋名墓慕也孝子思慕之處也 鄭注墓大夫云墓冢塋之地孝子所思慕之處 急就篇哭泣祭馥墳

墓冢顏注墓壙穴也謂之墓者言其幽暗當昏暮也 曲禮
適墓不登壘注云壘冢也墓塋域檀弓墓而不墳注云墓謂
兆域今之
封塋也

邱也者御覽引作兆域也釋名邱象邱形也方言冢大者
謂之邱凡葬而無墳謂之墓注云言不封也墓猶墓也周
禮冢人以爵等為邱封之度注云別尊卑也王公曰邱諸
臣曰封六韜必依草木邱墓險阻春秋說題辭邱者墓也
宋高祖修楚元王墓詔曰邱封翳然墳塋莫翦任昉代卞
彬謝修卞忠貞墓啓遂使碑表蕪滅邱樹荒毀楊惲報孫
會宗書豈得全其首領復奉先人之邱墓乎荊州圖記江
陵縣東南七十里有楚莊王墓高四丈餘王祭登樓賦所
謂西接昭邱是也馥案趙武靈王
墓謂之靈邱吳闔閭墓謂之虎邱

墳 墓也從土賁聲 符分切

墓也者顏注急就篇墳封土而高之也廣雅墳冢也方言
冢秦晉之閒謂之墳詩葛生歸于其居箋云居墳墓也檀
弓墓而不墳注云上之高者曰墳思元賦觀有黎之圯墳
注云楚靈王之世衡山崩而祝融之墓壞北堂書鈔引揚

雄家錄子雲葬安
陵侯芭負土作墳

壘 邱壘也從土龍聲 力隴切

小爾雅廣名壘塋也 方言冢或謂之壘注云有界埒似耕
壘以名之 曲禮適墓不登壘 檀弓吾見封之若堂者矣
見若坊者矣見若覆夏屋者矣見若斧者矣注云封築土為
壘管子侈靡篇巨瘞培所以使貧民也美壘墓所以文明
也 列子周穆王篇指壘曰此若先人之冢 齊策曾不若
灰土之壘也 呂氏春秋權勳篇掘若壘注云壘冢也 文
選求為諸孫置守塚人表掃除塋壘 寡婦賦墓門兮肅肅
修隴兮峨峨 任昉劉先生夫人墓誌長扁幽隴 顏延之
拜陵廟詩山煙冒壘生 呂氏春秋孟冬紀營邱壘之小大
高卑薄厚之度貴賤之等級注云邱墳壘塚也度其制度貴
者高大賤者卑小故曰等級也 含文嘉天子墳高三仞樹
以松諸侯半之樹以柏大夫八尺樹以欒士四尺樹以槐庶
人無墳樹以楊柳 漢律列侯墳高四丈關內侯以下至庶
人各有差 鹽鐵論古者不封不樹及其後則封之庶人之
墳半仞其
高可隱

邱隴也者御覽引作邱也李善注懷舊賦引同徐鍇韻譜亦同廣雅隴冢也鄭注周禮冢人云冢封土為邱隴曲禮為宮室不斬於邱木注云邱隴也楚詞七諫封比干之邱隴王注小曰邱大曰壘漢書劉向傳皆無邱隴之處魏志崔琰傳士卒橫暴掘發邱隴宋孝武置自古帝王守冢戶詔曰邱隴殘毀樵牧相趨瑩兆堙蕪封樹莫辨通鑑李神福遣人守衛錢鏐祖考邱隴

壇 祭壇場也從土真聲 徒干切

祭壇場也者集韻類篇並引作祭場也小字本李燾本同本書初刻亦無壇字後復加之獨斷壇謂築土起堂書金賸為三壇同壇馬注壇土堂祭法設廟祧壇墀而祭之注云封土曰壇除地曰墀又燔柴於泰壇祭天也注云壇之言坦也坦明貌也漢書高帝紀於是漢王齊戒設壇場顏注築土而高曰壇莊十三年公羊傳莊公升壇何云土基三尺土階三等曰壇

場 祭神道也一曰田不耕一曰治穀田也從土易聲 直良切

祭神道也者史記文帝紀其廣增諸祀壇場應璩書述祈雨云拜請靈場一曰田不耕者徐鍇本作一曰山田不耕者一曰治穀田也者玉篇引作一曰治穀處廣韻場治穀地也詩七月九月築場圃傳云春夏為圃秋冬為場箋云場圃同地自物生之時耕治之以種菜茹至物盡成熟築堅以為場正義云種樹菜果則謂之圃蹂踐禾稼則謂之場

圭 瑞玉也上圓下方公執桓圭九寸侯執信圭伯執躬圭皆七寸子執穀璧男執蒲璧皆五寸以封諸侯從重

圭 楚爵有執圭 古哇切

瑞玉也者周禮大宗伯以玉作六瑞以等邦國聘禮記所以朝天子圭與纁皆九寸注云圭所執以為瑞節也春秋文元年天王使毛伯來錫公命杜注諸侯即位天子賜以命圭合瑞為信郭璞贊玉作五瑞辯章有國說苑諸侯以

圭為贄圭者玉也薄而不撓廉而不劓有瑕於中必見於外故諸侯以玉為贄 上園下方者本書闡上園下方有似圭鄭注聘禮記圭剡上象天園地方也應劭曰圭自然之形陰陽之始也 公執桓圭云云者周禮大宗伯以玉作六瑞以等邦國王執鎮圭公執桓圭侯執信圭伯執躬圭子執穀璧男執蒲璧注云鎮圭者蓋以四鎮之山為琢飾圭長尺有二寸桓圭蓋亦以桓為琢飾圭長九寸信當為身誓之誤也身圭躬圭蓋皆象以人形為琢飾文有麤縵目欲其慎行以保身圭皆長七寸穀所以養人蒲為席所以安人二玉蓋或以穀為琢飾或以蒲為琢飾璧皆徑五寸典瑞公執桓圭侯執信圭伯執躬圭纁皆三采三就子執穀璧男執蒲璧纁皆二采再就大行人上公之禮執桓圭九寸諸侯之禮執信圭七寸諸伯執躬圭諸子執穀璧諸男執蒲璧考工記玉人之事命圭九寸謂之桓圭公守之命圭七寸謂之信圭侯守之命圭七寸謂之躬圭伯守之注云子守穀璧男守蒲璧不言之者闕百楚詞大招三圭重侯王注三圭謂公侯伯也公執桓圭侯執信圭伯執躬圭故言三圭也重侯謂子男也子男共一爵故言重侯也雜記贊大行曰圭公九寸侯伯七寸子男五寸博三寸厚半寸剡上左右各寸半玉也注云子男執璧作此贊

者失之矣三禮射侯圖信圭七寸謂圭上琢人頭身之形侯所執也躬圭七寸謂圭上琢為四禮之形伯所執也郭注西山經云禮記曰璜密以粟玉有粟文所謂穀璧也史記五帝本紀正義孔文祥云宋末會稽修禹廟於廟庭山土中得五等圭璧百餘枚形與周禮同皆短小此即禹會諸侯於會稽執以禮山神而埋之其圭璧今猶有在也以封諸侯者春秋定八年盜竊寶玉大弓穀梁云寶玉者封圭也范云始封之圭漢書司馬相如傳析珪而爵如淳曰析中分也白藏天子青珪諸侯也 楚爵有執圭者楚策封之執珪又云通侯執珪東周策君謂景翠曰公爵為執珪鮑注景翠楚將齊策陳軫問昭陽楚之法覆軍殺將其官爵何也昭陽曰官為上柱國爵為上執珪呂氏春秋荆有茲非渡江兩蛟繞舟茲非拔劍刺殺兩蛟荆王聞之任以執圭淮南道應訓子發攻蔡踰之宣王郊迎列田百頃而封之執圭高注楚爵功臣賜以圭謂之執圭比附庸史記張儀傳楚人不勝列侯執珪成者七十餘人說苑鄂君子皙官為令尹爵為執珪

圭 古文圭從玉

東楚謂橋為圮從土已聲與之切

東楚謂橋為圮者廣韻圮土橋名在泗州史記雷侯世家
良嘗閒從容步游下邳圮上徐廣曰圮橋也東楚謂之圮
李奇曰上下邳人謂橋為圮漢書音義服虔曰圮音頤楚
人謂橋曰圮郭緣生述征記秦梁圮名也或云秦始皇東
巡弗行舊道過此水率百
官以石填之俄而梁成

垂 遠邊也從土尃聲是為切

遠邊也者釋詁疆界邊衛圍坐也宣十二年公羊傳寡人
無良邊垂之臣秦策今大國之地半天下有二垂鮑注西
北二邊字或作陲荀子臣道篇邊境之臣處則疆垂不喪
注云垂與陲同成十三年左傳虔劉我邊陲史記律書連
兵於
邊陲

堀 兔堀也從土屈聲苦骨切

兔堀也者文子尚德篇兔走歸堀狐灰首邱各依所生夏
侯湛獵兔賦殪之於堀中通作窟玉篇窟兔窟也一切經

音義三小爾雅兔之所息謂之窟兔不穴居時有而憩也
戰國策云狡兔三窟通俗文身居曰巢獸穴曰窟齊策狡
兔有三窟顏延之宋郊祀歌月竈來賓李善引
甘泉賦西壓月馳服虔曰音窟免窟月所生也

文一百三十一 重二十六

陲

徐鍇本屬下有或體作

殿

御覽引云殿堂之高大者也 葉大慶考古質疑嘗考許慎
說文殿堂之高大者也 玉篇壁堂也 廣雅堂堍壁也
初學記引蒼頡篇壁大堂也 漢朱龜碑前設大壁孟郁修
堯廟碑成陽靈臺碑西嶽華山廟碑高朕修周公禮殿記並
書作壁唐慶鴻
名頌亦作壁

遺文二

土高也者韻會土積累而
上象高形廣韻土高兒

土高也從三土凡土之屬皆從土
吾聊切

堯高也者廣韻堯至高之兒風俗通堯者高也言其隆興煥
炳最高明也廣雅堯嶢也白虎通堯猶嶢嶢至高之兒

堯古文堯

文二 重一

堯黏土也從土從黃省凡堯之屬皆從堯
巨斤切

黏土也者蕪城賦糊積壤以飛文五臣云糊黏也積壤赤
土也以黏和之通鑑楊行密圍廣陵城中無食以堯泥為
餅食之注云
堯泥黏土也

堯皆古文堯

堯土難治也者釋名
艱根也如物根也
古閑切

堯籀文艱從喜

史記楚世家熊羆
立索隱羆古艱字

文二 重三

里居也從田從土凡里之屬皆從里
良止切

居也者廣雅小爾雅竝同釋名五鄰為里居方千里之中
也徐鍇引書百姓里居風俗通五家為軌十軌為里里者
止也五十家共居止也詩將仲子無踰我里傳云里居也
二十五家為里又十月悠悠我里箋云里居也周禮遂人
五家為鄰五鄰為里載師以廛里任國中之地注云里居
也又縣師郊里之地域注云郊里郊所居也又遺人鄉里
之委積注云鄉里鄉所居也論語里仁為美鄭注里者民
之所居宣十五年穀梁傳古者三百步為里名曰井田又

說文解字卷四十四 連筠籀叢書

靈石楊氏栞

云古者公田為居孟子廛無夫里之布注云里居也漢書倉貨志在墜曰廬在邑曰里從土者徐鍇本有一曰土聲也三字所未能詳

釐 家福也從里齊聲里之切

薛尚功鍾鼎款識孟和鍾銘以受屯魯多釐

家福也者通志引作蒙福也玉篇釐祭餘肉也漢書文帝紀祠官祝釐如淳曰釐福也韋昭曰祭鬼神之餘肉曰釐史記賈誼傳孝文帝方受釐徐廣曰祭祀福胙也應劭云釐祭餘肉也

野 郊外也從里省予聲羊者切

郊外也者釋地邑外謂之郊郊外謂之牧牧外謂之野本書曰下云邑外謂之郊郊外謂之野詩魯頌傳云邑外曰郊郊外曰野俱無郊外為牧之文詩野有蔓草傳云野四郊之外又野有灰麇干旄在浚之郊叔于田叔適野傳並云郊外曰野周禮遂人掌邦之野注云郊外曰野委人掌斂野之賦斂薪芻注云野謂遠郊以外也旅師掌聚野之

勘粟屋粟閼粟注云野謂遠郊之外也呂氏春秋季春紀周視原野注云郊外曰野

野 古文野從里省從林

漢書地理志畫壑分州顏注壑古野字馥謂壑亦從予俗誤作予

從林者野外謂之林故從林

文三 重一

田 陳也樹穀曰田象四口十阡陌之制也凡田之屬皆

從田待季切

陳也者廣雅同田陳聲相近史記田敬仲完世家敬仲之如齊以陳字為田氏索隱云以陳田二字聲相近賈誼書陳單即田單本書地萬物所陳列也陳當為陳釋地郊外謂之牧釋文李本牧作田字釋云田陳也謂陳列種穀之處樹穀曰田者顏注急就篇樹殖也孟子樹藝五穀周書大聚解陂溝道路藜苴邱墟不可以樹穀者樹以材木

連筠篔叢書

月令章句穀田曰田釋名已耕者曰田田填也五稼填滿其中也蒼頡篇田種禾稼也書禹貢厥田惟中中鄭注能吐生萬物者曰土據人功作力競得而田之則謂之田周語田疇荒蕪韋注穀地為田象四口阡陌之制也者齊民要術引云田陳也樹穀曰田象形從口從十阡陌之制也篇海引同本書無阡陌字史記商君傳為田開阡陌封疆風俗通南北曰阡東西曰陌又云河東以東西為阡南北為陌漢書地理志作仵佰

田

田踐處曰町從田丁聲

他項切

田踐處曰町者襄二十五年左傳町原防正義引作田踐處曰町案杜注云隄防閒地不得方正如井田別為小頃町馥謂不方正即殘也一切經音義入蒼頡篇町田區也急就篇頃町界畝畦埒封

啜

城下田也一日啜卻也從田栗聲

而緣切

城下田也者玉篇啜城外隍內地也博物志海陵縣多麩千萬為羣掘食草根其處成泥名曰麩啜民隨而種不耕而穫其收百倍字或作啜漢書翟方進傳城郭墾及園田過更張晏曰墾城郭旁地申屠嘉傳南出者太上皇廟墾

垣也服虔曰宮外垣餘地也字又作墀史記鼂錯傳此非廟垣乃墀中垣正義墀者廟內垣外游地也漢書食貨志過試以離宮卒田其宮墀地顏注墀餘也宮墀地謂外垣之內內垣之外也諸言河墀地廟垣墀地其義皆同臨江王榮傳侵廟墀為宮後漢書桓帝紀若無親屬可於官墀地葬之注云墀官之餘地也

畊

耕治之田也從田象耕屈之形

直由切

耕治之田也者本書州疇也各疇其土而生之蒼頡篇疇耕地也象耕屈之形者徐鍇本作象耕溝田詰屈也

疇

疇或省

本書畷下云畷與疇同畷下云畷古文疇汗籀引作畷屬工部

畷

燒種也漢律曰畷田秣艸從田麥聲

力求切

燒種也者玉篇畷田不耕燒種也周禮水火處之可以美土疆月令季夏土潤溽暑大雨時行乃燒薙行水利以殺草可以糞田疇可以美土疆漢武帝詔江湖之地火耕水耨齊民要術凡開荒山澤田皆七月芟艾之草乾即放火

靈石楊氏棐

越絕書吳北野胥主膠者吳王女胥主田也晉書殷浩傳開江西膠田千餘頃以為軍儲宋書豫章王子尚傳時東土大旱鄞縣多膠田

畝田三歲治田也易曰不菑畝

以諸切

唐書東謝蠻土宜五穀不以牛耕但為畝田每歲一易馥案畝燒種廣韻畝燒榛種田

三歲治田也者易釋文六書故並引作二歲徐鍇韻譜亦作二歲坊記易曰不耕穫不菑畝凶注云田一歲曰菑二歲曰畝三歲曰新田虞翻云田在初一歲曰菑在二二歲曰畝詩詁一歲為菑始反艸也二歲為畝漸和柔也三歲為新謂已成田而尚新也馥案釋地三歲曰畝詩臣工采芑傳並云一歲曰菑二歲曰新三歲曰畝易曰不菑畝口者无妄文釋文引馬曰田三歲也關處集韻類篇李燾本並作田馥據坊記引易當是凶字

和田也從田柔聲

耳由切

和田也者孫炎爾雅注新田新成柔田也徐鍇本有鄭有暎地名也六字錯曰國語依暎歷莘四邑名也馥案鄭詩

譜引國語作疇

疇田也從田奇聲

居宜切

殘田也者徐鍇曰謂田奇零也杜預長歷月日行十三度十九分度之有疇莊子大宗師疇人者疇於人而侔於天荀子疆國篇墨子有見於齊無見於疇注云疇謂不齊也通鑑唐中宗元年戶六百一十五萬口三千七百一十四萬有疇趙孟頫書蘇汝舟政績記糧二萬六百一十頃有疇通作奇易繫辭陽卦奇亦零數也又歸奇于劫以象閏鄉射禮一算為奇注云奇猶虧也史記李廣傳李廣老數奇李衛公問對太宗曰黃帝兵法世傳握奇文或謂為握機文何謂也靖曰奇音機故或傳為機其義則一奇餘零也因此音機

疇田也詩曰天方薦蹙從田登聲

昨何切

殘田也者集韻引作殘蹙田也廣韻同韻會引徐鍇本亦同詩曰天方薦蹙者小雅節南山文彼作蹙徐鍇本引詩下有跋也二字馥案跋當為疫詩傳云蹙病箋云疫病

連筠蓂叢書

𡗗

六尺為步步百為晦從田每聲

莫厚切

六尺為步步百為晦者司馬法文馬融注論語引云六尺為步步百為畝畝百為夫夫三為屋屋三為井井十為通人為侯注云張足六尺鄉射禮下綱不及地武注云武迹也中人之迹尺寸疏云漢禮云五武成步步六尺或據此而言也李衛公問對方生於步是以步數定於地范注穀梁云廣一步長百步為一畝釋邱如畝畝邱孫炎云方百步也釋名畝邱邱體滿一畝之地也禮儒行儒有一畝之宮疏云徑一步長百步為畝漢書倉貨志理民之道地著為本故必建步立晦正其經界六尺為步步百為晦夏侯陽筭經田曹以六尺為步三百步為一里此古法王制古者以周尺八尺為步今以周尺六尺四寸為步古者百畝當今東田百四十六畝三十步注云周尺之數未詳問也按禮制周猶以十寸為尺蓋六國時多變亂法度或言周尺八寸則步更為八八六十四寸以此計之古者百畝當今百五十六畝二十五步徐錯本有秦田二百四十步為晦九字一位筭法云案千乘之國周之制度司馬法六尺為步步百為畝是古之制也秦孝公時商鞅獻三術內

一開道阡陌以五尺為步二百四十步為畝

畝

晦或從田十久

論語微生畝漢書古今人表作晦 詩生民履帝武敏釋文引健為舍人敏作畝馥案晦敏聲相近敏古讀母鄙切漢書敘傳宣之四子淮陽聰敏舅氏籛籛幾陷大理今讀晦作莫厚切者誤也徐氏以畝為久聲久古音苟起切宋玉招寬久與里韻詩旄邱久與以韻是也

田

天子五百里地從田包省

堂練切

天子五百里地者徐錯本作天子五百里內田書禹貢五百里甸服傳云規方千里之內謂之甸服為天子服治田去王城四面五百里王制千里之內曰甸注云服治田出穀稅周禮天官敘官甸師注云郊外曰甸

畿

天子千里地以遠近言之則言畿也從田幾省聲

巨衣切

天子千里地者詩元鳥邦畿千里傳云畿疆也箋云王畿千里之內隱元年穀梁傳寰內諸侯釋文寰內畿內也周禮大司徒制其畿疆而溝封之注云千里曰畿大行人邦畿方千里職方氏方千里曰國畿注云畿猶限也漢書荆法志地方一里為井井十為通通十為成成方十里成十為終終十為同同方百里同十為封封十為畿畿方千里地理志初洛邑與宗周通封畿東西長南北短短長相覆千里韋昭云通在二封之地共千里也臣瓚按西周方八百里八八六十四為方百里者六十四東周方六百里六六三十六為方百里者三十六二都方百里者百方千里也詩正義云周禮每言王畿千里者制禮設法據方圓而言其實地形不可如圖也蓋以西都先王所居東都貢賦所均不可拉為二畿故通數之共為千里通作圻襄二十五年左傳天子之地一圻杜注方千里尚書大傳圻者天子之境也天子游不出封圻注云周禮方千里曰王圻詩曰邦圻千里惟民所止又通作祈詩祈父箋云祈圻畿同正義云此職掌封畿兵甲當作畿字古者祈圻畿同字得通用故此作祈尚書作圻

畦

田五十畝曰畦從田圭聲

戶圭切

集韻畦田有埒 一切經音義 十七畦埒也埒封也道徑也

田五十畝曰畦者蒼頡篇同離騷畦畱夷與揭車兮王注五十畝為畦劉熙注孟子今俗以五十畝為大畦二十五畝為畦為小畦

畹

田三十畝也從田宛聲

於阮切

田三十畝也者集韻田畝三十為畹魏都賦下畹高堂李善引班固曰畹三十畝也離騷余既滋蘭之九畹兮王注十二畝為畹或曰田之長為畹也玉篇秦孝公二百三十步為畹三十步為畹馥謂三十步即田之長也

畔

田界也從田半聲

薄半切

田界也者廣雅畔界也白帖農必有畔地豈無圖急就篇疆畔畷伯耒犁鋤顏注畔分半田之際也書梓材為厥疆畷傳云為其疆畔畷壘襄二十五年左傳行無越思如農之有畔新語道基篇后稷乃列封疆畫畔界以分土地之所宜史記五帝本紀舜耕歷山歷山之人皆讓畔正義云韓子歷云農相侵略舜往耕春年耕者讓畔也後漢書杜

篤傳爰初開畔注云畔疆界也夏侯湛賦察田疇之疆畔九章筭術哀田正廣六十五步一畔從一百步一畔從七十二步通作泮詩氓隰則有泮箋云泮讀為畔畔厓也

𠂔

境也從田介聲

古拜切

境也者當為竟廣雅盼竟也漢裴岑碑邊竟艾安曲禮入竟而問禁莊二十七年左傳卿非君命不越竟本書畺界也從畺三其界畫也畫象田四界徐鍇韻譜盼田畔顏注急就篇田邊謂之界

𠂔

境也一曰陌也趙魏謂陌為眈從田亢聲

古郎切

境也者當為竟廣雅眈竟也趙魏謂陌為眈者玉篇眈趙魏陌名也

畷

兩陌閒道也廣六尺從田爻聲

陟劣切

兩陌閒道也者集韻畷井田閒道顏注急就篇畷兩陌閒豎道也郊特牲饗農及郵表畷注云郵表畷謂田畷所以督約百姓於井閒之處也廣六尺者吳都賦其四野則畷畷無數李善注畷畷謂地廣道多也舊井田閒有畷有

畷

畷

井田閒陌也從田彡聲

之忍切

此從彡髮如雲之彡

井田閒陌也者集韻畷溝上塗也田界也廣韻畷田界小爾雅廣詰畷界也宋衷注太玄云畷界也馥案畷畷皆道也釋言障畷也釋文畷田閒道詩載芟徂隰徂畷箋云畷謂舊田有徑路者周禮遂人十夫有溝溝上有畷注云溝廣深各四尺畷容大車定四年左傳封畷土略杜注畷塗所經也莊子齊物論為是而有畷也注云畷謂封域畷陌也楚詞大招田邑千畷人阜昌只王注畷田上道也

時

天地五帝所基址祭地從田寺聲右扶風有五時好

時廊時皆黃帝時祭或曰秦文公立也

周市切

天地五帝所基址祭地者徐鍇本作基止鍇云祭地所祭之地也漢書音義孟康曰時音止神靈之所止也漢官解

靈石楊氏棐

詁太常掌社稷郊時漢舊儀元年祭天二年祭地三年祭
 五帝於五時 右扶風有五時者徐鍇本作右扶風雍有
 五時馥案漢書地理志右扶風雍有五時武帝紀行幸雍
 祠五時帝王世紀雍初有五時壇後漢書馮衍傳陟雍時
 而消搖兮括地志漢有五時在岐州雍縣南則鄜時吳陽
 上時下時密時北時秦文公夢黃虵自天而下屬地其口
 止於鄜衍作時郊祭白帝曰鄜時秦宣公作密時於渭南
 祭青帝秦靈公作吳陽上時祭黃帝作下時亦祠黃帝漢
 高帝曰天有五帝今四何也待我而具五遂立黑帝曰北
 時是也史記封禪書唯雍四時上帝為尊索隱案四時據
 秦舊而言秦襄公始列為諸侯而作西時文公卜居汧渭
 之闕而作鄜時皆非雍也至秦德公卜居雍而後宣公作
 密時祠青帝靈公作上時祠黃帝下時祠炎帝獻公作畦
 時祠白帝是為四并高祖增黑帝而五也 好時鄜時皆
 黃帝時祭者韻會引徐鍇本祭作策史記封禪書秦襄公
 既侯居西垂自以為主少皞之神作西時祠白帝其牲用
 騶駒黃牛牴羊各一云其後十六年秦文公東獵汧渭之
 闕卜居之而吉文公夢黃虵自天下屬地其口止於鄜衍
 文公問史敦敦曰此上帝之徵君其祠之於是作鄜時用
 三牲郊祭白帝焉自未作鄜時也而雍有故有吳陽武時

雍東有好時皆廢無祠或曰自古以雍州積高神明之隲
 故立時郊上帝諸神祠皆聚云蓋黃帝時嘗用事雖晚周
 亦郊焉其語不經見搢紳者不道作鄜時後七十八年秦
 德公立德公立二年卒其後六年秦宣公作密時於渭南
 祭青帝漢書敘傳侯伯僭時應劭曰僭時秦襄公造西時
 祭天是也馥案黃帝所用事故侯伯為僭 或曰秦文公
 立也者史記秦本紀
 文公十年初為鄜時

略 經略土地也從田各聲 离約切

經略土地也者書禹貢嶠夷既略胡渭曰略字必有精義
 按左傳曰天子經略諸侯正封古之制也封略之內何非
 君土又曰封畛土略又曰侵敗王略皆訓界經略猶言經
 界也隱五年左傳吾將略地焉注云略總攝巡行之名莊
 二十一年傳王與之武公之略注云略界也僖十五年傳
 東盡虢略注云東盡虢界也僖十六年傳會于淮謀郟且
 東畧也宣十一年傳略基趾注云略行也宣十五年傳晉
 侯治兵于稷以略狄土成二年傳侵敗王略注云略經略
 法度昭七年傳天子經略諸侯正封古之制也封略之內
 何非君土杜注經營天下略有四海故曰經略昭二十四

年傳楚子為舟師以畧吳疆注云畧行也史記南越尉佗傳秦以并天下略定揚地漢書地理志自昔黃唐經略萬國變定東西疆理南北吳都賦故其經略上當星紀拓土畫疆卓犖兼并五臣云左傳曰天子經略土地略分界也一日遠界為經略也宋武帝詔二宮諸王不得封畧山湖注云略封界也

尙

田相值也從田尙聲

都郎切

田相值也者值當為直廣雅當直也韓詩實維我直相當直也國語史黯謂趙簡子曰臣敢煩當日韋注當日直日也

畷

農夫也從田夂聲

子峻切

農夫也者釋言文郭注今之耆夫是也孫炎曰農夫田官也考工記飭力以長地財謂之農夫詩七月田畷至喜傳云田畷田大夫也甫田田畷至喜傳云田大夫也箋云司耆今之耆夫噫嘻率時農夫箋云率是主田之吏郊特牲饗農注云農田畷也周禮籥章敝幽雅擊土鼓以樂田畷鄭司農云古之先教田者馥案古有田畷之名周因之也

𡗗

田民也從田亼聲

武庚切

田民也者李善注吳都賦引作田人也案唐諱民改為人周禮遂人以田里安畷又云凡治野以下劑致畷注云變民言畷異外內也畷猶懵懵無知貌也或通作畷秦策不憂民畷高注野民曰畷孟子則天下之民皆悅而願為之畷矣又云願受一廛而為畷

𡗗

𡗗田也從田𡗗聲

良刃切

𡗗田也者本書𡗗𡗗也汜勝之書望杏華落復耕之輒𡗗之馥案閭即躡省作閭又或作較漢書灌夫傳較𡗗宗室顏注較𡗗謂蹈踐之也按本書𡗗司馬相如說作𡗗又通作凌陵史記凌𡗗漢書惠帝紀作陵𡗗

畱

止也從田畱聲

力求切

止也者徐錯本作土也錯曰田猶土也韻會引作止錯意謂坐從土為止畱從田亦為止故云田猶土也非謂畱訓土也離騷又何可以淹畱史記越世家可疾去矣慎勿畱畱聲者當為畱聲裴松之注虞翻傳云翻言古大篆卯

字讀當言柳古柳卯同字竊謂翻言為然故劉留聊柳同
 用此字以從馨故也與日辰卯字字同音異馥案裴說則
 此畱當從卯不從卯也日辰之卯亦讀為柳詩朔日辛卯
 與醜為韻薄采其茆徐邈音柳維參與昂傳云昂留也成
 二年左傳子之戶窳窳音留爾雅凡曲者為留釋文留本
 或作留廣雅曲梁謂之留釐婦之笱謂之留釋文留字書
 作卯史記律書北至於留索隱留即卯也驪驪地理志作
 華聊晉書音義作聊漢書律歷志留孰於卯哀二十七年
 左傳及留舒鄭康成引作柳舒古泉布
 留字作留漢碑作留漢印作留或作留

畜田 田畜也淮南子曰玄田為畜

丑六切

田畜也者本書珣下竝云讀若畜牧之畜廣韻畜養也
 易小畜鄭注養也師象君子以容民畜眾論語君賜生必
 待畜養而生者也戴侗曰周官牧人掌牧六牲而自蕃其
 物小司徒經土地而井牧其田楚鄭司農曰井牧者春秋
 傳所謂井衍沃牧隰皋也按古人言井牧猶漢人言田畜
 也上古畜而不田中古田畜兼之故言井牧知田而不知
 畜故騎者乏馬耕者乏牛學者亦不知其說夫衍渥之地
 宜稼故井之隰皋水草所生則牧焉司徒司空之典既隊
 井牧之制亾矣淮南子曰玄田為畜者徐鍇作淮南王
 唐書高駢傳駢修城訖功筮之得大畜曰畜者
 養也吉敦大焉文宜去下存上因名大玄城

魯郊禮畜從茲田口茲益也

文當為

從茲田口者廣韻引作從田從茲
 茲益也者艸部茲下云艸木多益

𡇗 禽獸所踐處也詩曰町疇鹿場從田童聲

土短切

禽獸所踐處也者釋名踐殘也使殘壞也詩行葦牛羊勿
 踐履詩曰町疇鹿場者幽風東山文彼作疇傳云町疇
 鹿迹也釋文疇本作疇釋獸麋其迹疇郭注脚所踐處博
 物志海陵縣多麋獸千百為羣掘食草根其處成泥名麋
 畷民人隨此畷種稻
 不耕而穫其收百倍

𡇗 不生也從田易聲

丑亮切

不生也者當為才生本書曠從此云艸茂也廣雅曠長也
或作暢月命之日暢月注云暢猶充也按本書充長也
潘岳西征賦桑麻條暢七發使師堂操暢李善引
琴道堯暢達則兼善天下無不通暢故謂之暢

文二十九 重三

田田 比田也從二田凡畱之屬皆從畱 居良切

比田也者顏注急就篇疆比田之界也
凡畱之屬皆從畱者徐鍇本下有一闕字

田田 界也從畱三其界畫也 居良切

漢白石神君碑萬壽無疆張公神碑疆界家靜樊敏碑華南
西疆朱龜碑綏我土疆呂君碑慎守疆易字或作壇易乾坤
鑿度天有太
極地有太壇

界也者廣雅畫竟也小爾雅廣詁疆界也易坤卦坤厚載
物德合無疆詩楚茨萬壽無疆傳云疆竟也箋云疆畫竟
界也信南山我疆我理傳云疆畫經界也縣迺疆迺理箋
云乃疆理其經界土冠禮黃耆無疆注云疆竟也周禮司

徒制其畿疆而溝封之注云疆猶界也又載師以大都之
田任疆地注云疆五百里王畿界也夏官敘官掌疆注云
疆界也雜記婦人非三年之喪不踰封而弔注云踰封越
竟也或為越疆春秋昭元年叔弓帥師疆鄆田穀梁云疆
之為言猶竟也范云為之境界桓十七年左傳夏及齊師
戰于奚疆事也杜注爭疆界也莊二十八年傳蒲與二屈
君之疆也韋昭曰疆竟也文元年傳晉侯疆戚田杜云正
其疆界宣八年傳楚子疆之杜注正其界也成二年傳先
王疆理天下杜注疆界也襄十九年傳疆我田注云正邦
魯之界也哀元年傳使疆于江汝之闕杜云楚欲使蔡徒
國在江水之北汝水之南周語疆有寓望韋注疆境也孟
子域民不以封疆之界又云夫仁政必自經界始經界不
正井田不均史記商君列傳為田開阡陌封疆正義云疆
界也謂界上封記也 三其界畫也者本書畫界也象田
四界聿所以畫之古今注封疆畫界者封土為臺以表識
疆境也畫界者於二封之間又為壇埒以畫分界域也漢
書溝洫志故畫河塽
棄地民焚牧其中

田田 畫或從疆土

或從疆土者通作疆賈誼書衛侯名辟疆辟疆天子之事也

文二 重一

田

本書壘欄勳轟備并從晶王莽改壘為疊是原有三田之晶字故從之也玉篇晶音雷田閔也馥謂田閔當為回閔古露字有田有回

遺文一

艸入地之色也從田從英英亦聲英古文光凡黃之屬皆

從黃 乎光切

地之色也者玉篇黃中央色也纂要地方而色黃釋名黃晃也猶晃晃象日光色也易坤卦文言天玄而地黃書馬貢厥土惟黃壤厥田惟上上林之奇曰物得其常性者最貴土色本黃故黃壤為田之上上詩綠衣黃裏傳云黃正

色正義云黃中央之正色考工記畫績之事地謂之黃隱元年左傳不及黃泉服注天玄地黃泉注地中故曰黃泉也司馬法說三代之旂色云周黃地之道也注云地之體黃故也史記倉公傳黃者土色也高堂隆曰黃於五行中央土也王肅家語序孔子曰堯以土德王天下而色尚黃黃土德抱朴子土行為黃元魏高祖詔云夫土者黃中之色萬物之元也

古文黃

𡗗 赤黃也 一曰輕易人𡗗媯也 從黃夾聲

許兼切

文當 作𡗗

一曰輕易人𡗗媯也者輕易當為輕傷𡗗媯即佔佥字書佔佥輕薄也佔丁兼切佥丁候切 夾聲者夾當為夾

𡗗 黃黑色也 從黃耑聲

他耑切

黃黑色也者廣雅黼黃也商子禁使篇今夫幽夜山陵之大而離婁不見清朝日黼則上別飛鳥下察秋毫故目之

見也託日之勢也

𦵏 青黃色也從黃有聲呼鼻切

青黃色也者廣雅黼黃也

𦵏 白黃色也從黃占聲他兼切

白黃色也者廣雅黼黃也

𦵏 鮮明黃也從黃圭聲戶圭切

鮮明黃也者集韻黼黃也廣雅黼黃也一切經音義十八黼鮮明也詩倉庚于飛熠燿其羽傳云羽鮮明也馥案倉庚色黃

文六 重一

鬻

後漢書儒林傳乃更修鬻字注云說文曰鬻學也馥案徐鉉以為俗書云鬻學堂也從學省黃聲本書無學部當從黃從學省黃亦聲

遺文一

𦵏 丈夫也從田從力言男用力於田也凡男之屬皆從

男那含切

九經字樣助男上說文下隸變馥案今篆作男後人因男男二字改之

丈夫也者本書夫丈夫也周制以八寸為尺十尺為丈人長八尺故曰丈夫 言男用力於田也者男主耕古者無

一夫不耕書盤庚若農服田力穡周禮大司寇野荆上功糾力注云功農功力勤力方言宋魯謂力曰旅旅田力也

𦵏 母之兄弟為舅妻之父為外舅從男曰聲其久切

母之兄弟為舅者釋親文彼作舅弟釋名夫之父曰舅舅久也久老稱也母之兄弟曰舅亦如之也詩渭陽我送舅

氏傳云母之昆弟曰舅鄭注儀禮喪服云舅母之兄弟晉書王忱傳嘗造其舅范甯甯曰卿風流雋望真後來之秀忱曰不有此甥焉有此甥妻之父為外甥者釋親文孟子帝館甥於貳室趙注禮謂妻父曰外甥堯以女妻舜故謂舜甥從男者當為從助篆文移田於力上目

甥

謂我舅者吾謂之甥也從男生聲所更切

謂我舅者吾謂之甥也者釋親文彼又云姑之子為甥舅之子為甥妻之舅弟為甥姊妹之夫為甥郭云四人體敵故相為甥甥猶生也今人相呼蓋依此又云謂我舅者吾謂之甥然則亦宜呼婿為甥孟子曰帝館甥于貳室是也釋名舅謂姊妹之子曰甥甥亦生也出配他男而生故其制字男旁作生也詩載驅驅展我甥兮傳云外孫曰甥箋云姊妹之子曰甥詩頌弁兄弟甥舅箋云謂吾舅者吾謂之甥儀禮喪服甥者何也謂吾舅者吾謂之甥

文三

筋

筋也象人筋之形治功曰力能圍大災凡力之屬皆

從力 林直切

筋也者本書筋肉之力也曲禮老者不以筋力為禮象人筋之形者徐錯曰象人筋竦其身身作力勁健之形治功曰力者周禮夏官司勳文能圍大災者許公解說周禮之文

勳

能成王功也從力熏聲許云切

能成王功也者釋詁勳功也書堯典放勳傳云勳功周禮司勳王功曰勳明堂位成王以周公為有勳勞於天下注云王功曰勳事功曰勞襄二十一年左傳引書聖有勳勳杜注勳功也昭四年傳孟孫為司空以書勳杜注勳功也漢官儀光祿勳勳功也史記高祖功臣年表以德立宗廟定社稷曰勳

勳

古文勳從員

勳

以勞定國也從力從工工亦聲古紅切

以勞定國也者釋詁績勳功也郭云謂功勞也詩民勞無棄爾勞箋云勞猶功也周禮司勳國功曰功注云保全國家若伊尹事功曰勞注云以勞定國若禹又司約治功之約次之注云功約謂王功國功之屬史記高祖功臣年表用力曰功工亦 勸者當為王聲

勸

左也從力且聲

牀倨切

左也者本書左手相左助也釋詁助勳也左或作佐小爾雅廣詁助佐也唐書啖助字叔佐

勸

助也從力從非慮聲

良倨切

助也者或作勳釋詁助勳也

勸

勞也從力來聲

洛代切

勞也者徐鍇本作勞勸也曲禮君勞之則拜宣三年左傳定王使王孫滿勞楚子經典釋文條例云來勸作力俗以為約勸字說文以為勞徠之字馥案通作來釋詁勞來勤也郭引詩職勞不來釋文來本又作勸詩願鼠莫我肯勞

箋云不肯勞來我江漢來旬來宣箋云來勤也釋文鄭音賚早麓神所勞矣傳云勞勞來孟子放勳曰勞之來之漢書勞來不怠顏注勞來者言慰勉而招延之也小雅鴻雁之詩序曰勞來還定安集之勞音盧到反來音盧代反王莽傳力來農事顏注力來勸勉之也來音郎代反釋詁勸勞也郭注倫理事務以相約勸亦為勞釋文案說文字林來勸作力是勞來之字束勸作文是治音丑力反一切經音義十二爾雅勸勞也郭璞曰相約勸亦為勞也健為舍人曰勞力極也勸強事也廣雅勸謹也勤也詩云神所勞矣箋云勞勸猶佑助也漢書勞勸不怠也馥案隸借勸為勸故郭訓約勸俗本因誤作勸

勸

慎也從力吉聲周書曰女勸毖殷獻臣

巨乙切

周書曰女勸毖殷獻臣者酒誥文徐鍇本有讀若畢三字

勸

趣也從力攷聲

公遇切

趣也者一切經音義六引作趣疾也昭六年左傳教之以務杜注時所急昭二十五年傳為政事庸力行務以從四

時杜注務其時要昭三十二年傳是之不務而又焉從晏子春秋景公起大臺役者皆凍晏子執朴鞭其不務者淮南脩務訓聖人知時之難得務可趣也魏志袁儼當興廢之閒人所趣務者常謙退不為也

迫

迫也從力彊聲

正良切

迫也者通作彊孟子彊而後可

勸

勸力也周書曰用勸相我邦家讀若厲從力萬聲

勸

莫話切

勸力也者一切經音義七勸彊也謂自勸彊也字或作勵埤蒼勵彊也勸也釋名勵勸也小爾雅勵勸也後漢書祭彤傳璽書勉勵又通作厲哀十一年左傳宗子明與閭邱明相厲也注云相勸厲漢書宣帝紀厲精更始周書曰用勸相我邦家者立政文彼作國家傳云用勉治國家釋文勸音邁馥案莊八年左傳引夏書皋陶邁種德杜注稱

皋陶能勉種德邁勉也僖二十八年傳距躍三百杜注百猶勵也陸德明本作勸音邁萬聲者本書厲邁並從萬省聲馥謂厲邁亦當云萬聲

勸

勸也從力厥聲

瞿月切

勸也者玉篇廣韻篇海並引作強力也徐鍇韻譜同廣雅勵強也元包經勵仡仡耀歛通作屈漢書陸賈傳乃欲以新造未集之越屈強於此通鑑注屈強梗戾不順從貌又通作偃宋史秦檜謂趙鼎曰此老偃強猶昔

勸

勸也春秋傳曰勸敵之人從力京聲

渠京切

勸也者本書倥彊也廣雅勸勸武也晏子此皆力攻勸敵之人也魏都賦至乎勸敵糾紛英雄記呂布勸虜也春秋傳曰勸敵之人者僖二十二年左傳文杜注勸強也

勸

勸也從力至聲

吉正切

勸也者字林廣雅並同宣十二年左傳中權後勁秦策不

呂氏春秋慎大篇孔子之勁舉國門之關而不
肩以力間高注勁彊也淮南時則訓角力勁

彊 彊也從力免聲 切

彊也者一切經音義五引同又云謂力所不及而彊行事也又卷六引國語云父勉其子兄勉其弟勉猶勸彊也謂勸教之也小爾雅勸勉力也月令勉諸侯注云勉猶勸也宣十五年公羊傳勉之矣注云勉猶努力中庸或勉強而行之孟子強為善而已矣通作免漢書谷永傳閱免遁樂顏注閱免猶電勉也薛宣傳宣因移書勞免之又通作俛潘岳詩電俛恭朝命

劭 勉也從力召聲讀若舜樂韶 寔照切

學林南史宋元凶傳元凶名劭字休遠初命之曰劭在文召刀為劭後惡焉改刀為力觀國案字書劭字從召從力不從刀也所謂在文召刀為劭者蓋初未嘗考究字義而遽為臆說百韻案廣雅劭斷也集韻音丁聊切即所謂召刀為劭也後改劭故字休遠應劭字仲遠是也

勉也者釋詁文廣韻劭自強也漢書成帝紀先帝劭農音灼云劭勸勉也魏志明帝詔曰大中大夫韓暨年逾七十守道彌固可謂純篤老而益劭者也

勗 勉也周書曰勗哉夫子從力冒聲 許玉切

勉也者本書散冒也冒當為勗釋詁散強也一切經音義五勗勉勵也方言齊魯曰勗茲注云勗亦訓勉也詩燕燕以勗寡人傳云勗勉也士昏禮記勗帥以敬先妣之嗣注云勗勉也或通作冒書君肅迪見冒間于上帝馬本冒作勗勗也顧命爾無以釗冒貢于非幾釋文冒馬鄭王作勗又通作懋盤庚懋懋建太命懋簡相爾漢石經竝作勗周書曰勗哉夫子者牧誓文史記作勉哉夫子

勗 勉也從力瞿聲 去願切

書大禹謨勗之以九歌俾勿壞周禮司諫掌糾萬民之德而勗之朋友正其行而強之注云強猶勸也論語舉善而教不能則勗風俗通汝南太守歐陽歙下教云蓋舉善以教則不能者勗秦策楚疑於秦之未必救己也而今三國

之辭去則楚之應之也必勸宋策荆王大悅許救甚勸齊策此皆非趙魏之欲也然二國勸行之者何也 賈誼書楚王見士民為用之不勸也乃徵役萬人

勉也者廣韻勉勸也禮表記使民有所勸勉愧恥以行其言

任也從力解聲

識蒸切

任也者廣韻任堪也釋詁堪勝也詩元身武王靡不勝傳云勝任也論語執圭鞠躬如也如不勝

發也從力從徹徹亦聲

丑列切

發也者襄二十八年左傳陳無宇濟水而戕舟發梁吳子軍之所至無發其屋通作徹襄九年左傳火所未至徹小屋塗大屋詩徹我牆屋徹田為糧徹彼桑土或作撤廣韻撤發撤倍二十六年左傳室如縣罄服虔云言室屋皆發撤

并力也從力參聲

力竹切

并力也者廣韻增韻並引作併力也國語勦力一心賈注勦力併力也中山策勦力同憂高注勦力勉力也漢書元帝紀方春農桑興百姓勦力自盡之時也通作戮書湯誥與之戮力漢書高帝紀戮力攻秦齊語與諸侯戮力同心韋注戮并力也昭二十五年左傳戮力壹心 參聲者成十三年左傳戮力同心釋文戮相承音六稽康力幽反呂靜字韻與颺同字林音遼書湯誥與之戮力釋文戮舊音六又力彫反說文力周反馥案文賦非余力之所勦與雷流來抽尤由為韻

繇緩也從力象聲

余兩切

繇緩也者廣雅勦動也釋名緩浣也斷也持之不急則動搖浣斷自放縱也 象聲者徐錯本有讀若庚三字

作也從力重聲

徒總切

作也者釋詁文孟子將終歲勤動趙注動作呂氏春秋察今篇必循法以動高注動作也

古文動從走

連筠移叢書

田 推也從力晶聲 盧對切

推也者埤蒼作𡗗云推石自高而下也子虛賦𡗗石相擊

𡗗 弱也從力少 力較切

弱也者本善疲病劣也廣雅劣弱也書洪範六曰弱傳云廷劣

𡗗 劇也從力熒省熒火燒口用力者勞 魯刀切

劇也者當為劇釋詁勞勤也舍人云勞力極也

𡗗 古文勞從悉

汗簡作𡗗云見舊說文集韻愨苦心也

𡗗 務也從力康聲 其據切

務也者李善注王粲詩引作甚也廣韻勦勦務也漢唐扶頌察能治勦釋宮二達謂之岐旁三達謂之勦旁孫炎云

勦出岐多故曰勦俗書變力從刀釋名三達曰勦旁此道旁出轉多用功稍劇也六韜夜臥早起難劇不侮太公陰謀馬不可極民不可劇馬極則躓人劇則敗風俗通俗說女媧搏黃土作人劇務力不暇供華嶠後漢書方春向農民多劇務漢舊儀能治劇一科魏志王觀傳此郡濱近外虜數有寇害云何不可為劇邪

勦 尤劇也從力克聲 苦得切

尤劇也者集韻類篇引作尤極也小字本李燾本竝同俗書改從刀一切經音義十二苛剋尤劇也亦煩擾也

勦 勞也詩曰莫知我勦從力貫聲 余制切

勞也者釋詁文通作肄詩谷風既詒我肄傳云肄勞也釋文肄爾雅作勦 詩曰莫知我勦者小雅兩無正文傳云

勦勞也

勦 勞也春秋傳曰安用勦民從力巢聲 子小切又楚交切

勞也者廣雅同趙岐孟子題辭心勦形察東京賦今公子苟好勦民以媮樂 春秋傳曰安用勦民者昭九年左傳

勇用速成其以勦民也宣十二年左傳無及於鄭而勦民勇用之杜注竝云勦勞也

悉勞也從力卷省聲渠卷切

勞也者廣雅同本書倦罷也鄭注少儀云罷之為言勞也考工記左不捷注云書捷或作券玄謂券今倦字也漢魏元不碑施舍弗券或作勸莊子應帝王學道不勸漢書韓信傳今足下舉勸敵之兵鹽鐵論養勞勸之民宋書陶潛傳鳥勸飛而知還射雉賦夕不告勸徐注言樂之者忘飢倦也又或作倦列子湯問篇饑倦則飲神漢卷省聲者徐錯本作弄聲

勤勞也從力堇聲巨巾切

勞也者釋詁文書武成王季其勤王家詩賚文王既勤止傳云勤勞也昭十三年左傳請君無勤問喪服勤三年注云勤謂憂勞玉藻勤者有事則收之注云勤謂執勞辱之事也

加語相增加也從力從口古牙切

語相增加也者本書誣加也譖加也莊十年左傳犧牲玉帛弗敢加也必以信僖十年左傳欲加之罪其無辭乎

勦健也從力敖聲讀若豪五牢切

健也者廣韻勢俊健

勦氣也從力甬聲余隴切

氣也者本書捲氣勢也引國語有捲勇釋名勇踴也遇敵踴躍欲擊之也靈樞經勇士者怒則氣盛而胃張肝舉而膽橫皆裂而目揚毛起而面蒼此勇士之由然者也

勦勦或從戈用

勦古文勦從心

勦排也從力孛聲蒲沒切

排也者謂安排也莊子大宗師安排而去化唐書王勃字子安

劫也從力與聲 匹妙切

劫也者本書 剽剽劫人也

劫 人欲去以力脅止曰劫或曰以力止去曰劫 居怯切

成十七年左傳胥童以甲劫欒書中行偃於朝 新序白公勝欲立王子閻以為王不再劫之以刃 舞賦從容得志不劫李善云不相迫劫也 通鑑 橋玄幼子為人所劫登樓求貨

人欲去以力脅止曰劫者莊八年左傳走出遇賊于門劫而束之襄二十三年傳范鞅逆魏舒遂超乘右撫劍左援帶命驅之出杜注劫之秦策己珉欲以齊秦劫魏高注劫脇也儒行劫之以眾注云劫脅也漢書高帝紀因以劫眾顏注劫謂威脅之陳書武帝紀若有恐脅侵掠者皆以劫論 或曰以力止去曰劫者徐鍇本作或曰以力去曰劫韻會引同馥案脅止人去曰劫自以力脫去亦曰劫也

致堅也從人從力會聲讀若敕 恥力切

致堅也者廣韻飭牢密詩六月戎車既飭易雜卦 蠱則飭也 從人從力會聲者當云從力飭聲

法有臯也從力亥聲 胡槩切

法有臯也者玉篇劾推劾也廣韻劾推窮罪人也急就篇 誅罰詐偽劾罪人顏注劾舉案之也有罪則舉案書呂刑 獄成而孚輸而孚傳云謂上其鞠劾文辭正義云漢世問 罪謂之鞠斷獄謂之劾周禮鄉士辨其獄訟異其刑之 罪而要之注云要之為其罪法之要辭如今劾矣小司寇 讀書用法先鄭云如今讀鞫己乃論之賈疏云鞫謂劾囚 之要辭昭十四年左傳乃施邢侯服虔曰施罪於邢侯施 猶劾也後漢書范滂傳滂奏刺史權豪之黨二十餘人尙 書責滂所劾猥多滂知意不行投劾去注云自投其劾狀 而去文心彫龍案劾之奏所以明憲清國雜五行書皋陶 以壬辰日成不 可劾人成罪也

廣求也從力莫聲 莫故切

廣求也者一切經音義九引同後漢書光武本紀注引作 廣求之也廣雅募求也蒼頡篇募問求也或借募字宋祁

校漢書揚雄傳引
字林摹廣求也

文四十 重六

𠄎

同力也從三力山海經曰惟號之山其風若𠄎凡𠄎

之屬皆從𠄎

胡頰切

同力也者當云同力之和 山海經曰惟號之山其風若
𠄎者北山經錙于母逢之山北望雞號之山其風如颺注
云颺急風貌也音戾或云飄風也馥
案玉篇颺急風江賦廣莫颺而氣整

𠄎

同心之和從𠄎從心

胡頰切

從𠄎從心者
當云𠄎亦聲

𠄎

同思之和從𠄎從思

胡頰切

同思之和者廣韻𠄎思也釋詁𠄎和也梁書
劉駟字彥和 從𠄎從思者當云𠄎亦聲

𠄎

衆之同和也從𠄎從十

胡頰切

衆之同和也者釋詁協和也書堯典協和萬邦湯誓有衆
率怠弗協馬本作不和洪範協用五紀傳云協和也又相
協厥居王肅注王者當助天和合其居隱十一年左傳寡
人有弟不能和協僖二十二年左傳引詩協比其鄰詩作
洽傳云洽合昭七年傳夢協注云協合也昭二十五年傳
乃能協於天地之性杜注協和也帝王世紀漢獻帝名協
字伯和 從十者徐鍇本
作十聲馥謂當云𠄎亦聲

𠄎

古文協從曰十

漢書五行志叶用五紀應劭曰
叶合也顏注叶讀曰叶和也

叶

或從口

書協時月白虎通引作叶 大傳引書不叶于極 周禮大
行人協辭命注云故書協作叶鄭司農云叶當作汁太史與
羣執事讀禮書而協事注云故書協作叶杜子春云叶協也
書亦或爲協或爲叶陸德明本作汁云汁音執又音協 方

言斟協汁也北燕朝鮮泐水之閒曰斟自關而東曰協關西
 日汁注云謂和協也釋天太歲在未曰協洽史記歷書作
 汁洽天官書作叶洽漢樊敏碑歲在汁洽大戴禮誥志篇
 此謂歲虞汁月鄭注月令叶光紀釋文叶本又作汁史
 晨奏銘汁光之精漢隸字原云卽黑帝叶光紀西京賦五
 緯相汁五臣本作叶吳都賦皆與謠俗汁協此傳寫誤也協
 乃李善音注汁字誤作正文

文一

重五

